

四庫全書

史部

欽定四庫全書

史部

御批歷代通鑑輯覽卷五十五

詳校官侍講臣王燕緒

編修臣裴謙覆勘

總校官舉人_臣章維桓

校對官編修_臣吳舒帷

謄錄監生_臣李邦燮

欽定四庫全書

御批歷代通鑑輯覽卷五十五

唐

元宗明皇帝

開元二十六年春正月令天下州縣里皆置學

夏六月立忠王璵為皇太子改名亨

先更名紹
又更名亨

李林甫數勸上立壽王瑁上以忠王璵年長孝謹好

學意欲立之猶豫不決常忽忽不樂高力士請其故

立嫡何事賴官
官一言而定欲
不致幸蜀之變
靈武之逼得乎

上曰汝揣我何意力士曰得非以郎君未定耶上曰

然對曰但推長而立誰復敢爭上曰汝言是也由是

遂定

與將受冊命儀注有中嚴外辦及絳紗袍與嫵
與至尊同稱表請易之于是傳中嚴改辦曰備

易絳紗袍為朱明服故事太子乘輅至殿門至是與
不載輅步而入中嚴外辦唐書禮樂志皇帝大祀

致齋畫漏上水一刻侍中版奏請中嚴諸衛入陳殿

庭文武五品以上陪位二刻侍中版奏外辦受朝日

同皇太子亦中嚴外辦左庶子版奏絳紗袍卓服志

皇帝冠通天冠服絳紗袍冬至受朝賀祭還燕羣臣

養老之服也皇太子冠遠遊冠服絳紗袍

謁朝還宮元日朔日入朝釋奠之服也

突騎施殺其可汗蘇祿

初蘇祿廉儉攻戰所得悉與諸部分之由是衆樂為

用既尚唐公主

帝以西突厥降王阿史那懷道之女為交河公主妻蘇祿突厥吐

蕃亦各以女妻之用度寢廣所得不復更分由是諸

部離心渠長莫賀達干夜襲蘇祿殺之都摩度立蘇

祿之子骨咄為吐火仙可汗收其餘衆居辟葉城

吐火

仙與莫賀達干相攻莫賀達干遣使告磧西節度使蓋嘉運明年秋嘉運擊吐火仙擒之並取交河公主

而還

九月丙申朔日食

冊南詔為雲南王

南詔之先本哀牢夷

鳥蠻別種哀牢注見前

地居姚州

唐置今為姚安

府治西東南接交趾西北接吐蕃蠻語謂王曰詔先有

六詔

曰蒙巂曰越析曰浪穹曰邏賧曰施浪曰蒙舍蒙巂古為巂昆明漢置巂唐縣晉以後沒于

蠻地在今大理府雲龍州越析唐初置州後為蠻所居亦曰磨些今麗江府是浪穹今大理府浪穹縣是邏賧今大理府節州是施浪居矣直和城在今浪穹縣蒙次和山下蒙舍亦名陽瓜州今雲南蒙化府是考通鑑蒙巂邏賧施浪三詔作蒙越樣備越澹今從唐書

莫能相一歷代因之

以分其勢蒙舍最在南故謂之南詔至皮邏間始彊

大

高宗時蒙舍細奴邏初入朝細奴邏生
邏威邏威生威邏皮威邏皮生皮邏間

而五詔徼

弱乃賂劍南節度使王昱求合六詔為一朝廷許之

賜名歸義于是以兵威脅服羣蠻遂破吐蕃徙居太

和城

在今大理府太和縣南
名太和村城址尚存

卒為邊患

胡三省曰南
詔自此始

巳卯二十七年夏六月貶張守珪為括州刺史

幽州將趙堪白真陀羅矯節度使張守珪之命使平

盧軍使烏知義邀叛奚餘黨知義不從白真陀羅矯

稱制指以迫之知義出師與奚遇先勝後敗守珪掩

其敗狀以克獲聞事頗泄上令內謁者監

內官掌內傳宣及諸

親命婦朝會之籍

牛仙童往察之守珪重賂仙童歸罪于白

真陀羅逼令縊死衆宦官疾仙童發其事上怒杖殺

之守珪坐貶

已而守珪疽發背死

秋八月追諡孔子為文宣王

先是祀先聖先師周公南向孔子東向坐制自今孔

子南向坐被王者之服釋奠用宮懸贈弟子為公侯

伯

冬十二月更定禘祫之制

初睿宗喪既除祫于太廟自是三年一祫五年一禘是歲夏既禘冬又當祫太常以為祭數則請請停祫祭自是通計五年一禘一祫從之

庚辰二十八年春正月荊州長史張九齡卒

上雖以九齡忤旨逐之然終愛重其人每宰相薦士

輒問曰風度得似九齡不

讀曰否

及是以病卒

三月丁亥朔日食

立那史那昕為十姓

即西突厥十部具見前

可汗

突騎施吐火仙既被擒詔立那史那懷道之子昕為十姓可汗莫賀達干聞之怒曰平蘇祿我功也今立昕謂何遂誘諸部以叛詔蓋嘉運招諭以莫賀達干為突騎施可汗已而昕竟為莫賀達干所殺西突厥

遂亡

後安西節度使夫蒙靈祭討莫賀達干斬之突騎施亦漸衰

冬十月吐蕃寇安戎城

注見前

發關中兵救之

初吐蕃陷安戎城而據之

事具前

其地險要唐屢攻之

不克劍南節度使王昱築兩城于其側運資糧以逼

之吐蕃發兵來救昱衆大敗脫身走資仗皆沒于是

貶昱高要

注見前

尉以張宥代之宥文吏不習軍旅悉

以軍政委團練副使

唐注凡有團結營之處置團練使

章仇

複姓本章氏因

避仇遂加仇字

蕪瓊蕪瓊入奏事盛言安戎城可取上說之

以宥為光祿卿蕪瓊為節度使蕪瓊潛與安戎城中

結謀使開門納唐兵盡殺吐蕃將卒以監察御史許

遠

敬宗曾孫

守之至是吐蕃寇安戎發關中彊騎救之吐

蕃引去

吏命安戎
城曰平戎

辛巳二十九年春正月立賑饑法

已饑饉待奏報而後開倉民其糗糈必於饑饉之前即奏報即命有司開倉庶乎民得稍濟耳若如元宗之制先發後聞是惟廉正如汲黯輩或可使宜行事苟非其人將見民未蘇而墨吏先飽其饑終於民無所救蓋

制曰前承饑饉皆待奏報然後開倉道路悠遠何救懸絕自今委州縣及採訪使給訖奏聞

秋七月洛水溢

八月以安祿山為營州都督

祿山傾巧善事人人多譽之上左右至平盧者祿山皆厚賂之由是上益以為賢又賂採訪使張利貞利

元宗遑遁千累
之舉不可為訓
也

貞威稱之上乃以為營州都督充平盧軍使

冬十一月太尉寧王憲薨

即宋王成器
更封改名

追諡曰讓皇帝

憲薨上哀惋特甚曰天下凡之天下也固讓于我為
唐太伯常名不足以處之乃諡曰讓皇帝其子汝陽
王璿表述先志固讓不許

十二月吐蕃陷石堡城

先是吐蕃四十萬入寇至安人軍

在今西
寧府西

騎將臧希

液帥衆五千擊破之及是吐蕃攻陷石堡城蓋嘉運

不能禦

初嘉運入朝獻吐火仙之捷上嘉其功以為河西隴右節度使經畧吐蕃嘉運恃恩流連

不時發裝雜卿疏言嘉運雖勇烈有餘然言氣矜誇恐難成事況防秋非遠未言發期若臨事始去則士卒尚未相識何以制敵乞速遣進違嚴加訓厲上乃趣嘉運行及是竟無功

壬午天寶元年春正月以安祿山為平盧節度使

是時天下聲教所被之州三百二十一羈縻之州八

百

唐書地理志太宗平突厥西北諸蕃及蠻夷稍稍內屬即其部落列置州縣大者為都督府以其首

領為都督刺史凡州府

八百五十六號為羈縻云

置十節度經畧使以備邊

安西

節度撫寧西域治龜茲城北庭節度防制突騎施堅昆治北庭都護府河西節度斷隔吐蕃突厥治涼州

朔方節度捍禦突厥治靈州河東節度與朔方犄角
以禦突厥治太原府范陽節度臨制奚契丹治幽州
平盧節度鎮撫室韋靺鞨治營州隴右節度備禦吐
蕃南撫靈獫治益州鎮南五府經畧綏靜夷獫治廣
州此外又有長樂經畧福州鎮之東萊守捉某州鎮
之東牟守捉登州鎮之通遠唐安西四鎮之一本
西域國治伊邇盧城即漢延城也今其地為庫車城
在吐魯番西南路室韋契丹別種地在今黑龍江西
北餘注俱見前守捉唐制兵
之戍遠者大曰軍小曰守捉

凡鎮兵四十九萬人馬

八萬餘匹開元之前每歲供邊兵衣糧費不過二百

萬天寶之後益兵浸多每歲用衣千二十萬匹糧百

九十萬斛公私勞費民始困苦矣

穿三門運渠

陝州刺史李齊物

淮安王神通曾孫

鑿底柱為門以通漕開

其山嶺為輓路沃醢而鑿之棄石入河水益湍怒舟不能入新門候水漲以人輓舟而上上疑之遣宦者往視齊物厚賂宦者還言其便

羣臣請加尊號

先是上夢元元皇帝云吾像在京城西南百餘里遣

使求得之于盤屋

音周室漢縣今屬西安府元和志山曲曰盤水曲曰屋

樓觀

山間

元和志樓觀在藍屋縣東舊有尹先生樓故名

迎置興慶宮至是陳王

帝之子

名珪

府參軍田同秀言元元皇帝告以藏靈符在

尹喜故宅

宅在陝州靈寶縣函谷故關有望氣臺案字記春秋時喜為關令見紫氣文餘飛入

關曰必有異人過此次日老子果騎青牛至後人即其處立臺

上遣使求得之羣臣

上表以寶符潛應年號請于尊號加天寶字從之

于是

加同秀朝散大夫時人皆疑寶符即同秀所為間一歲清河人崔以清言見元元皇帝藏寶符在武城紫微山勅使往掘亦得之東都留守王倕知其詐按問果服奏之上亦不深罪也其後或又言元元皇帝降于華清宮之朝元閣因改會昌縣曰昭應武城即漢東武城縣後魏曰武城今屬東昌府會昌縣天寶

初置七載改昭應宋
曰臨潼今屬西安府

二月享元元皇帝于新廟越三日享太廟越二日合祀
天地于南郊

改官名

侍中中書令為左右丞相改為僕射東北都皆為
京州為郡刺史為太守

三月以韋堅字子金京兆萬年人為江淮租庸轉運使

初宇文融既敗言利者稍息及楊慎矜得幸于是韋

堅王鉞

方翼之孫

之徒競以利進百司有事權者稍稍別

置使以領之舊官充位而已堅太子之妃兄也督江淮租運歲增巨萬上以為能故擢任之王鉞亦以善治租賦為戶部員外郎

以盧絢嚴挺之為員外詹事

李林甫為相凡才望功業出已右者必百計去之尤忌文學之士或陽與之善而陰陷之兵部侍郎盧絢絳州刺史嚴挺之為其所忌皆左遷散秩世謂林甫

口有蜜腹有劍

上嘗陳樂于勤政樓下垂簾視之廬絢謂上已起垂鞭按轡橫過樓下絢

風標清粹上目送之林甫知之乃召絢子弟謂曰交廣藉才上欲以尊君為之若憚遠行則當左遷姑以賓詹分務東洛何如絢懼請之乃除華州刺史未幾誣其有疾除員外詹事上又嘗問林甫嚴挺之可用今安在挺之時為絳州刺史林甫退召挺之弟諭以上意甚厚盡稱疾求還可以見上挺之從之林甫以其奏白上云挺之老疾宜且授以散秩以便醫藥上數叱久之亦以為員外詹事

秋七月癸卯朔日食

癸未二年春正月安祿山入朝

祿山入朝上寵待甚厚謁見無時祿山奏言去秋營

薛五臣惟卑錄
之後不有天下
然何傷于過極
之德後魏高允

州蟲食苗臣焚香祝天云臣若操心不正事君不忠

願使蟲食臣心若不負神祇願使蟲散即有羣鳥從

北來食蟲立盡請宣付史館從之

時李林甫領吏部尚書日在政府選

事悉委侍郎宋遜苗晉卿選人集者以萬計進晉卿以御史中丞張倚得幸于上擢其子爽為首祿山言于上上招入面試之爽手持試紙終日不成一字時人謂之曳白于是三人皆坐貶苗晉卿字元輔潞

州壺關人

三月追尊周上御大夫為先天太皇臯繇為德明皇帝

時謂老子父官周上御大夫又謂臯繇為理官以理為姓殷周時避難食木子而生因改姓李故皆追尊之

以其裔與布由
縣而王舉為刑
官之戒其說固
已不經而元宗
尊卑錄為帝因
李及理且尊錄
作士並無理官
之名附會誣妄
徒為後世所笑
而已

廣運潭

在長安縣東南

成加韋堅右散騎常侍

堅引澮水

源出藍田縣谷中北流至咸寧縣合澮水入渭

抵苑東望春樓下

為潭以聚江淮運船役夫匠通漕渠發人邱壘自江

淮至京城民間愁怨二年而成上幸樓觀之堅以新

船數百艘扁榜郡名各陳珍寶陝尉崔成甫著錦半

臂紅抹額居前船唱得寶歌

先是民間唱俚歌曰得體乾那邪其後得寶符

于桃林成市更得體歌為得寶歌辭曰得寶弘寶野弘農得寶邪潭裏舟船開揚州銅器多三郎當殿坐聽唱得寶歌其俚更甚桃林縣名隋以漢弘農縣置天寶初于縣得老子寶符更名靈寶今縣屬陝州

使美婦百人盛飾而和之連檣數里堅跪進輕貨仍
上百牙盤食上置宴竟日而罷加堅常侍吏卒褒賞
有差賜其潭名廣運

甲申三載春正月改年曰載

二月以安祿山兼范陽節度使

河北黜陟使席建侯

名豫以字行襄陽人

稱祿山公直李林甫

裴寬亦順旨稱譽其美由是祿山之寵益固

秋突厥亂冊回紇骨力裴羅為懷仁可汗

胡三省曰回紇自此疆威

初突厥毘伽可汗為其大臣梅錄噉毒死

毘伽被毒
忍死誅梅

錄噉其
種乃卒

其子伊然可汗立八年死弟骨咄立冊為

登利可汗其左部攻殺之立毘伽可汗子為骨咄葉

護所殺

登利年幼其母婆匐預政登利從父二人分
掌東西兵號左右殺登利與其母誘斬右殺

奪其兵左殺懼攻登利殺之左殺者判闊特勤也遂
立毘伽可汗子俄為骨咄葉護所殺立其弟又殺之

葉護遂自立為可汗

上以突厥內亂命羽林將軍
老奴招諭回紇葛邏祿拔悉密

等已而拔悉密及回紇葛邏祿三部並起攻葉護殺

之尊拔悉密部長為頡跌伊施可汗回紇葛邏祿自

為左右葉護突厥餘衆奉判闕特勒子為烏蘇米施

可汗

上遣使諭烏蘇內附烏蘇不從朔方節度使王忠嗣說拔悉密等部攻之烏蘇遁去其西葉護

阿布思反西殺葛臘哆等帥千餘帳相次來降

至是拔悉密攻殺烏蘇米施

國人立其弟為白眉可汗于是突厥大亂上敕朔方

節度使王忠嗣以兵乘之忠嗣破其左廂十一部獨

右廂未下會回紇葛邏祿共攻拔悉密頡跌伊施可

汗殺之奉回紇骨力裴羅定其國遣使言狀上冊拜

裴羅為懷仁可汗

懷仁于是南據突厥故地立牙帳于烏德鞬山舊統藥邏葛等九姓

其後又併拔悉密葛通
祿凡十一部各置都督
明年懷仁攻殺白眉突厥遂

亡始突厥國于後魏大統時
至是滅其地盡入回紇
毘伽可敦
即登利
毋婆訶帥衆

來歸上御花萼樓宴羣臣賦詩美其事
懷仁既殺白
眉斥地愈廣

東極室韋西抵金山南控大漠盡得古匈奴
地已而懷仁死子唐延毀立號葛勒可汗

九月以楊慎矜為御史中丞

初上以慎矜知御史中丞事時李林甫專權公卿之
進有不出其門者必以罪去之慎矜固辭不受至是
林甫以慎矜屈附于已復以為中丞

始祀九宮貴神

九宮自一至九其神太乙攝提軒轅招搖天符青龍咸池太陰天乙其星天蓬

天內天衝天輔天禽天心天柱天任天英其卦八一坎二坤三震四巽五九同離六乾七兌八艮其五行一為水二與五八同土三與四同木六與七同金九為火其方之色曰白黑碧綠黃赤紫而白黃一六八之三

初術士蘇嘉慶言遯甲術有九宮貴神典司水旱請

立壇于東郊祀以四孟月從之禮在太清宮太廟上

所用牲玉皆侔天地

乙酉 四載春正月帝聞空中神語

上謂宰相曰朕于宮中為壇為百姓祈福自草黃素

置案上俄飛昇天聞空中語云聖壽延長又煉藥成
置壇上及夜欲收又聞空中語云藥未須收此自守

護軍臣表賀

上尊道教慕長生于是所在爭言符瑞
太白山人李渾等上言見神人言金星

洞有玉板石記聖王福壽之符命王鉞求獲之已而
山人王元翼又言見元元皇帝云寶仙洞有妙寶真
符命張均等復求得之李林甫等皆請舍宅為觀以
祝聖壽上說太白山終南別名在今鳳翔府郿縣
東南其山最高古謠武功太白去天三
百即此金星寶仙二洞俱在太白山

二月以朔方節度使王忠嗣兼河東節度使

忠嗣少勇敢及鎮方面專以持重安邊為務常曰太

唐太宗開基今
主而有巢刺王
妃之事至元宗
間元敎治庶幾

平之將但當撫循訓練士卒不可疲中國之力以邀

功名軍中日夜思戰忠嗣多遣間諜見可勝然後興

師故出必有功既無兩道節制自朔方至雲中邊陲

數千里要害之地悉置城堡斥地各數百里邊人以

為自張仁亶

張仁愿初名仁亶

之後將帥皆不及

忠嗣每互市高估馬

價諸蕃聞之爭賣馬于唐忠嗣皆買之由是蕃馬少唐兵益壯

秋七月冊壽王妃韋氏八月以楊太真為貴妃

初武惠妃薨後宮無當意者或言壽王妃楊氏之美

無愧祖風而太
真冊立恥甚斯
臺豈非前之貽
誅不滅而後之
罪甚效尤者耶

上見而悅之乃令妃自以其意乞為女官

女道士也

號太

真為壽王娶即將韋昭訓女潛內太真宮中不替歲

寵遇如惠妃宮中號曰娘子凡儀體皆如皇后至是

冊為貴妃贈其父元琰兵部尚書以從兄鉉為殿中

少監錡為駙馬都尉三姊皆賜第京師寵貴赫然已

而復以妃從祖兄釗為金吾兵曹參軍

釗不學無行為宗黨所鄙

從軍于蜀貧不能歸新政富民鮮于仲通常資給之
仲通頗讀書有才智章仇兼瓊引為採訪使委以
心腹嘗從容謂仲通曰今吾獨為上所厚苟無內援
李林甫必見危聞楊妃新得幸子能為我結之吾無

患矣仲通言劉本末劉儀觀甚偉言詞敏給蕪瓊見之大悅即辟為推官使獻春綵于京師贐蜀貨直萬緡劉大喜過望至長安見諸妹分以遺之曰此章仇公所贈也于是諸楊日夜譽蕪瓊且言劉善擢蒲引之見上得隨供奉官出入禁中

新政

唐縣元省故城在今四川保寧府南部縣

九月以韋堅為刑部尚書楊矜慎為租庸轉運使

堅以通漕有寵遂有入相之志又與李適之

常山愍王

承乾曾孫天寶元年代牛仙客為左相

善林甫由是惡之故遷以美官

實奪之權也

安祿山討奚契丹破之

祿山欲以邊功市寵數侵掠奚契丹奚契丹各殺所

尚公主

上以外孫獨孤氏為靜樂公主嫁契丹王以甥楊氏為宜芳公主嫁奚王以叛祿

山討破之

已而祿山奏臣討契丹至北平郡夢先朝名將李靖李勣從臣求食遂命立廟又奏

薦享之日

廟梁塵芝

以王鉞為京畿採訪使

初鉞為戶口色役使

掌諸色雜徭役者

敕賜百姓復除鉞奏

徵其輦運之費廣張錢數使市輕貨百姓所輸乃甚

于不復除舊制戍邊者免其租庸六歲而更時邊將

恥敗士卒死者皆不申牒貫籍不除王鉞皆以為避
課六歲之外悉徵其租庸有併徵三十年者民無所
訴上在位久用度日侈又不欲數于左右藏取之鉞
知上旨歲貢額外錢帛百億萬貯于內庫以供宴賜
曰此皆不出于租庸調上以鉞為能富國益厚遇之
中外嘆怨至是以為御史中丞京畿採訪使楊到侍
宴禁中
專掌摺蒲文簿鈎校精密上賞其彊明曰好度支郎
諸揚數徵此言於上又以屬王鉞鉞因奏充判官
丙戌五載春正月貶韋堅為縉雲太守皇甫

唐郡今浙江
處州府是

太守皇甫

惟明為播州

唐置天寶初為郡
今貴州遵義府是

太守

初太子之立非李林甫意林甫恐異日為己禍欲動

搖之隴右節度使皇甫惟明嘗為忠王友

太子先封
忠王見前

時破吐蕃入獻捷見林甫專權勸上去之林甫知之

使楊慎矜密伺其所為會正月望夜太子出遊與韋

堅相見

堅為太
子妃兄

堅又與惟明會于景龍觀慎矜遂告

堅與惟明謀立太子收下獄林甫使慎矜等鞠之上

亦疑堅與惟明有謀而不顯其罪皆貶之親黨坐者

數十人太子表請與妃離昏帝素知太子孝謹故譴
怒不及

以王忠嗣為河西隴右朔方河東節度使

忠嗣仗四節控制萬里天下勁兵重鎮皆在掌握與
吐蕃戰于青海積石皆大捷又討吐谷渾俘其全部

而歸忠嗣功名日盛李林甫恐其入相忌之安祿山
潛蓄異志託以禦寇築雄武城大貯兵器請忠

嗣助役欲留其兵忠嗣先期而往不見祿山而還數
奏言祿山必反林甫益惡之已而忠嗣固辭河東朔

方節度許之雄武城
在今順天府薊州東北

夏四月李適之罷

韋堅等既貶適之懼自求散地遂罷政事

初適之與林甫有隙

適之領兵部尚書林甫使人發兵部銓曹姦利事收吏六十餘人付京兆尹蕭炅使法曹吉溫鞠之溫置吏于外先取二重囚訊之號呼之聲所不忍聞吏聞之大懼引入皆自誣服頃刻獄成敕誚責前後知銓侍郎及判南曹郎官而宥之始太子文學薛巖薦溫才上召見顧巖曰是一不良人朕不用也及林甫欲除不附已者求治獄吏炅薦溫于林甫林甫大喜又有羅希奭者為吏深刻林甫引為殿中侍御史二人皆隨林甫所欲深淺鍛鍊成獄無能自脫者時人謂之羅鉗吉網吉溫頃從子羅希奭錢塘人南曹郎唐書百官志吏部員外郎二人一判南曹

以陳希烈

宋州人

同平章事

希烈以講老莊得進專用神仙符瑞媚于上李林甫

以希烈柔佞易制故引以為相政事一決于林甫希

烈但給唯諾

故事宰相午後六刻乃出林甫奏今太平無事已時即還第機務皆決于私家

主書北成案詣
希烈書名而已

五月壬子朔日食

秋七月加嶺南經畧使張九章三品以廣陵長史王翼

為戶部侍郎

楊貴妃方有寵中外爭獻珍玩九章翼所獻精美九章加三品翼為戶部侍郎民間歌之曰生男勿喜女勿悲君今看女作門楣妃欲得生荔枝歲命嶺南馳驛致之比至長安色味不變

妃嘗以妬悍不遜送歸銛第上遂不食及夜力

士奏請迎妃歸院遂開禁門而入後復以忤旨遣歸吉溫因宦官言於上曰陛下何愛宮中一席之地使之就死而辱之于外舍耶上亦悔之遣中使賜以御膳妃對使者涕泣曰金玉珍玩皆陛下所賜惟髮者父母所與乃剪髮一縷而獻之上遽召還寵待益深

丁亥六載春正月殺北海太守李邕淄川太守裴敦復及

皇甫惟明韋堅等王琚李適之自殺

先是韋堅之弟

將作少匠蘭兵部員外郎芝

為堅訟寃且引太子

為言上怒李林甫因言堅與李適之朋黨堅遂長流

適之貶宜春

本袁州天寶初改郡

太守已而左驍衛兵曹柳勣

告贊善大夫杜有鄰妄稱圖織交構東宮指斥乘輿

有鄰女為太子良娣良娣之姊勣妻也勣性疎狂好功名善交結豪傑名士與妻族不協欲陷之故為飛

語以

告林甫令吉溫鞠之乃勣首謀遂與有鄰俱杖殺

太子亦出良娣為庶人

勣素與淄川太守裴敦復善

敦復先以平海賊有

功擢嶺南經畧使林甫忌之貶湓川守

敦復薦之北海太守李邕邕遂

與定交會鄴郡太守王琚以賊貶江華

唐郡今湖南永州府道州

是司馬琚性豪侈與邕皆自謂耆舊久在外意怏怏

林甫欲因事除之至是別遣羅希奭按邕敦復皆杖

死

邕才藝出衆盧藏用嘗語之曰君如干將莫邪難與爭鋒然終虞缺折耳邕不能用

林甫又

奏分遣御史賜皇甫惟明韋堅等死希奭自青州之

嶺南所過殺遷謫者李適之仰藥琚自縊適之子霅

迎喪至東京林甫令人誣告殺之給事中房琯

字次律河

赦有罪正以赦
無罪故王通謂
無赦之國其刑
必平元宗於瑛
琚之死不貸其
子喪李之誅不
宥其臣雖鉅吉
網流毒天下豈
真寬仁之主顧
欲除新故以博

南人坐與適之善貶宜春太守

林甫恨韋堅不已遣使于循河及江淮州縣坐

堅罪收繫綱典船夫徵制通負延及鄰伍死者甚衆至林甫死乃止

綱典十船為一綱以吏典之

除絞斬條

上慕好生之名令應絞斬者皆重杖流嶺南其實有

司率杖殺之

令天下嫁母服三載

令士通一藝以上皆詣京師

上欲廣求天下之士命通一藝以上皆詣京師李林

好生之名是亦
顛倒之甚者矣

甫恐草野之士對策斥其姦惡建言舉人卑賤恐有
俚言污濁聖聽乃令郡縣精加試練送省覆試具名
奏聞既而至者皆試以詩賦論遂無一人及第者林
甫乃以野無遺賢上表稱賀

以安祿山兼御史大夫

祿山體肥腹垂過膝外若癡直內實狡黠其在上前
應對敏給雜以詼諧上嘗戲指其腹曰此胡腹中安
所有其大乃爾對曰更無餘物止有赤心耳又嘗命

見太子祿山不拜左右趣之拜祿山曰太子何官上

曰此儲君也朕千秋萬歲後代朕君汝者也祿山曰

臣愚鄙者惟知有陛下一人不知乃更有儲君不得

已然後拜上以為信然益愛之

上嘗宴勤政樓百官列坐樓下獨祿山于

御座東間設金鷄帳置榻使坐其前命楊銛姊妹皆與祿山叔兄弟祿山得出入禁中因請為貴妃兒上

與貴妃同坐祿山先拜貴妃上問何故對曰胡人先母而後父上悅

冬十月帝如驪山溫泉

在今西安府臨潼縣南驪山之麓

名其宮曰華

清

先是置溫泉宮上歲幸之至是更宮名曰華清治湯

井為池環山列宮室

內有集靈臺朝元閣飛霜九龍長生明珠等殿

又築羅

城置百司及公卿邸第

將軍董延光攻吐蕃石堡城不克十一月以哥舒翰

突騎

施哥舒部渠長之子

充隴右節度使貶王忠嗣為漢陽太守

忠嗣以部將哥舒翰為大斗軍

在今涼州府永昌縣西南以大斗拔谷為

名副使李光弼

營州柳城人契丹王楷落之子

為河西兵馬使翰光

弼皆以勇畧為忠嗣所重

每歲積石軍麥熟吐蕃輒來獲之無能禦者翰先伏

兵于其側寇至斷其後夾擊之無一人得返自
是不敢復來 積石軍在今蘭州府河州西 上欲

使忠嗣攻吐蕃石堡城忠嗣上言石堡險固吐蕃舉

國守之非殺數萬人不能克臣恐所得不如所亡不

如厲兵秣馬俟其有釁然後取之上意不決將軍董

延光請行上命忠嗣分兵助之忠嗣不得已奉詔而

不盡如其所欲

李光弼曰大夫以數萬衆授延光而不立重賞士卒安肯為之盡力且此

天子意也彼無功必歸罪于大夫大夫何以杜其讒口乎忠嗣曰今以數萬之衆爭一城得之未足以制敵不得亦無害于國故不欲為之忠嗣今受責天子不過一將軍歸宿衛其次不過黔中上佐豈以數萬

人之命易一官乎光弼曰大夫能行古人之事非光弼所能及也

延光過期不克言

忠嗣阻撓軍計上怒李林甫因使人告忠嗣欲擁兵奉太子敕徵忠嗣入朝委三司鞠之上聞哥舒翰名召見悅之以為隴右節度使而詔三司曰吾兒居深宮安得與外人通謀此必妄也但劾忠嗣阻撓軍功三司奏忠嗣罪當死翰力陳其寃上感悟貶忠嗣漢陽太守

李林甫屢起大獄以楊釗有掖庭之親乃因以為援事有微涉東宮者皆指摘使之奏劾付羅希奭吉溫鞠之釗因得逞其私志所擢陷誅夷者數百家幸太子仁孝謹靜張垧高力士常保護于

上前故林甫終不能
間也 張珣說之子

殺戶部侍郎楊慎矜

慎矜為上所厚李林甫浸忌之慎矜與王鉷父中表
兄弟也故引鉷入臺及鉷遷中丞慎矜猶名之鉷意
不平慎矜不之覺嘗與之私語織書

慎矜與術士史
敬忠善敬忠言

天下將亂勸慎矜于
臨汝山中買莊避亂

林甫知鉷與慎矜有隙誘使圖

之鉷乃遣人以飛語告慎矜隋煬帝孫與山人往來
家有讖書謀復祖業上大怒收慎矜繫獄命楊釗盧

鉉同鞠之

使吉溫捕敬忠于汝州敬忠與溫父善溫幼時敬忠嘗抱撫之及捕獲溫不與語鎖

其頸驅之馬前使吏誘之曰楊慎矜已歎服惟須子一辨解意則生不然必死敬忠求絃溫不答敬忠懇請哀切乃令答辨還鞠慎矜因以為證 慎矜皆引服惟搜識書不獲使

盧鉉入長安搜其家鉉袖識書入閤中出詔曰逆賊深藏秘記以示慎矜歎曰吾不蓄識書此何從在我家哉吾應死而已于是兄弟皆賜死妻子流嶺南連坐者數十人

十二月以天下歲貢賜李林甫

命百官閱歲貢物于尚書省悉以車載賜李林甫上
或有時不視朝百官悉集林甫第門臺省為空林甫
子岫為將作監頗以滿盈為懼嘗從林甫遊後園指
役夫言曰大人久處鈞軸怨仇滿天下一朝禍至欲
為此得乎林甫不樂曰勢已如此將若之何先是宰相皆以
德度自處賜從不過數人林甫自以多結怨常虞刺
客出則步騎百餘人為左右翼金吾靜街前驅在數
百步外居則重關複壁如防大敵
一夕屢徙牀雖家人莫知其處

以高仙芝高麗人為安西四鎮節度使

仙芝從軍安西驍勇善騎射累官四鎮節度副使小勃律王及其旁二十餘國皆服吐蕃貢獻不入討之不克制以仙芝為行營節度使討之自安西行百餘

日至連雲堡

胡三省注堡在吐蕃南依山北據娑勒川為固

破之遣將軍席

元慶將千騎前行謂曰小勃律聞大軍至其君臣百姓必走山谷第呼出取繒帛稱敕賜之大臣至盡縛之以待我元慶如其言仙芝至斬其附吐蕃者數人

急遣元慶往斫娑夷藤橋

唐書西域傳小勃律王居孽多城臨娑夷水藤橋去

城六十里甫畢而吐蕃救至已無所及

安夷即弱水不能勝草芥藤橋間盡

一矢力修之

仙芝俘小勃律王及吐蕃公主而還上

以仙芝為安西四鎮節度使仙芝署封常清

蒲州猗氏人

判官任以軍事

自唐興以來邊帥皆用忠厚名臣不久任不達領不兼統功名著者往往

入為宰相其四夷之將雖才畧如阿史那社爾契苾何力猶不專大將之任皆以大臣為使以制之及開元中天子有吞四夷之志為邊將者十餘年不易始久任矣皇子則慶忠諸王宰相則蕭嵩牛仙客始遙領矣蓋嘉運王志嗣專制數道始兼統矣李林甫欲杜邊帥入相之路以蕃人不知書乃奏言文臣為將怯當矢石不若用寒族蕃人蕃人則勇決習戰寒族則孤立無黨陛下誠以恩結其心彼必能為朝廷盡

死上悅其言始用安祿山至是諸道節度使盡用蕃人精兵成戍北邊天下之勢偏重卒使祿山傾覆天下皆出于林甫專寵固位之謀也

戊子七載夏四月以高力士為驃騎大將軍

元宗寵任力士致太子諸王以翁兄稱謂將相皆出其門豈得謂之謹而少過蓋是時士大夫正直者少憚其氣諛方阿諛之不暇尚何有於戾惡乎厥後輔

力士承恩歲久中外畏之太子亦呼之為兄諸王公呼之為翁駙馬輩直謂之爺自李林甫安祿山輩皆因之以取將相然性和謹少過不敢驕橫故天子終親任之士大夫亦不疾惡也上嘗從容謂力士曰朕不出長安近十年天下無事朕欲悉以政事委李林甫何如對曰天子巡守古之制也且天下大柄不可假人彼威勢既成誰敢

國元振繼起流
毒滋甚終唐世
而不能革宦官
之禍實濫賜于
此

復識之者上不悅力士頓首謝罪上意
乃解力士自是亦不敢深言天下事矣

五月羣臣上尊號

賜安祿山鐵券

以楊釗判度支事

釗善窺上意所愛惡而迎之以聚斂驟遷歲中領十

五使恩幸日隆

冬十一月以貴妃姊為國夫人

貴妃姊三人皆有才色上呼之為姨出入宮掖並承恩

澤勢傾天下至是封韓號秦國夫人與鉅錡五家凡有請託府縣承迎峻于制敕四方賂遺惟恐居後上所賜與五家如一競開第舍極其壯麗一堂之費動

踰千萬既成見他人有勝己者輒毀而改焉號國尤

為豪蕩

號國新第堂成召匠巧授以絳羅五百段賞之匠嗤不顧曰請取螻蟻蜥蜴記其數置堂

中苟失一物

不敢受直

十二月哥舒翰築神威軍

在青海上

應龍城

在青海中龍駒岳魏書吐谷渾

傳青海中有小山每冬冰合後游北北山
明年生駒必多駿異因名其山曰龍駒

翰築神威軍吐蕃至擊破之乃更築應龍城于青海

中以謫卒二千戍之

明年冬青海水合吐蕃大至戍者盡沒

己丑八載春二月帥羣臣觀左藏賜楊釗金紫

是時州縣殷富倉庫積粟帛動以萬計釗請令糶變為輕貨輸京師屢奏帑藏充牣古今罕儔故上帥羣臣觀之賜釗紫衣金魚上由是視金帛如糞壤賞賜無限

夏四月殺咸寧太守趙奉璋

奉璋告李林甫罪二十條未達林甫諷御史逮捕以
為妖言杖殺之

五月停折衝府上下魚書

先是折衝府

天下三百六十四府其府統軍為折衝都尉

皆有木契

以木書契

銅魚

刻銅為符作魚形契與魚皆中刻以其左付軍府其右藏天府

朝廷徵發下敕

書契魚都督郡府叅驗皆合然後遣之自募置驍騎
府兵日壞死亡不補器械耗散畧盡府兵入宿衛者
謂之侍官言其為天子侍衛也其後本衛多以假人

役使如奴隸長安人羞之至以相詬病其戍邊者又多為邊將苦使利其死而沒其財由是應為府兵者皆逃匿至是無兵可交李林甫遂奏停折衝府上下魚書是後府兵徒有官吏而已彊騎之法天寶以後稍亦變廢應募者皆市井負販無賴子弟未嘗習兵時承平日久議者多謂中國兵可銷于是民間挾兵器者有禁子弟為武官父兄擯不齒猛將精兵皆聚于西北邊中國無武備矣

六月加聖祖及諸帝后號諡

上以符瑞相繼上聖祖號

曰大道元
元皇帝

高祖

曰神
堯

太宗

曰文
武

高宗

曰天
皇

中宗

曰孝
和

睿宗

曰元
貞

五帝諡帝皆曰

大聖后皆曰順聖

閏月上謁太清宮羣臣上尊號曰
開元天地大寶聖神文武應運皇

帝十三載二月復加元元皇帝及諸帝后諡上
亦加尊號至十四字
太清宮元元皇帝之廟也

哥舒翰攻吐蕃石堡城拔之

翰帥兵六萬攻吐蕃石堡城其城三面險絕惟一徑

可上吐蕃但以數百人守之貯糧食積木石唐兵前

後屢攻之不能克翰進攻數日不拔召裨將高秀巖
張守瑜欲斬之二人請三日期拔之獲吐蕃四百人

唐士卒死者數萬

以石堡城
為神武軍

庚寅九載春正月羣臣請封西嶽許之

已而關中旱嶽
祠災遂罷封祀

夏四月流宋渾于潮陽

本潮州天寶初改郡
今廣東潮州府是

初吉溫因李林甫得進及楊釗恩遇浸深溫遂棄林
甫而附之為畫代林甫執政之策御史中丞宋渾林
甫所厚也溫使釗奏而逐之以剪其心腹林甫不能

救

五月賜安祿山爵東平郡王

唐將帥封王自此始

秋八月以安祿山兼河北道採訪處置使

求殷周漢後廢韓

元魏後

介

後周後

鄆

隋後

公

處士崔昌上言國家宜承周漢以土代火魏周隋皆

閏位不當以其子孫為二王後事下公卿集議集賢

院學士衛包上言集議之夜四星聚于尾

尾九星後宮之場妃

后之府考唐書天文志天寶九載八月五星聚于箕尾熒惑後至而先去尾箕燕分也占曰有德則慶無

元魏周隋去唐未遠邱錄其後不失厚道崔昌乃以閏位貶之

傅會五運嬖代
之曲說避求殷
周漢後為三恪
妄執甚焉

德則凶據此聚本五星而衛包言四星者蓋以
熒惑後至而不言且附會殷周漢唐之說也
天意

昭然上乃命求殷周漢後為三恪廢韓介鄒公
十二
載夏

復以魏周隋後為三恪崔昌衛包皆坐貶時
李林甫已死楊國忠欲攻其短故有是命

安祿山入朝

祿山屢誘奚契丹飲以菰苕酒

菰苕藥名以其子
釀酒飲之不復醒醉

而阮之動數千人斬首以獻前後數四至是請入朝

上命有司先為起第于昭應祿山至戲水

在臨潼縣
東下流入

渭水古
有戲亭楊釗兄弟姊妹皆往迎之上幸望春宮以待

之祿山獻奚得八千人上命考課之日書上上考

前此

聽祿山于上谷鑄錢五
爐祿山乃獻錢樣千緡

制追復張易之兄弟官爵賜楊釗名國忠

楊釗張易之之甥也奏乞雪易之兄弟制引易之兄
弟迎中宗于房陵之功復其官爵仍官其子釗以圖
識有金刀請更名上賜名國忠

南詔反陷雲南郡

即姚州天
寶初改郡

楊國忠德鮮于仲通薦為劍南節度使仲通性褊急

失蠻夷心故事南詔常與妻子俱謁都督過雲南太

守張虔陀皆私之又多所徵求南詔王閣羅鳳

皮羅閣死

閣羅鳳嗣忿怒發兵反攻陷雲南殺虔陀取夷州三十二

辛卯十載春正月免駙馬程昌裔官

楊氏五宅夜遊與廣平公主

帝之女

從者爭西市門楊

氏奴揮鞭及公主衣公主墜馬昌裔下扶之亦被數

鞭公主泣訴于上上為之杖殺楊氏奴明日免昌裔

官不聽朝謁

為安祿山起第于親仁坊

命有司為祿山起第于親仁坊敕諭但窮壯麗不限財力令中使護作敕之曰胡眼大勿令笑我及第成

祿山置酒請墨敕召宰相至第上命宰相皆赴之又

日遣諸楊與之遊宴

通鑑載祿山生日上及楊妃賜予甚厚後三日召入禁中貴妃

以錦綉為大襖祿裏之使宮人以輿舁之上聞問故左右以貴妃洗祿兒對上賜貴妃洗兒金銀錢復厚賜祿山盡歡而罷自是祿山出入宮掖不禁考此皆出祿山事跡及天寶遺事諸稗史恐非實錄今不取

以安祿山兼河東節度使

戶部郎中吉溫見祿山有寵約為兄弟

說祿山曰李丞相雖以時

事親三兄必不肯以兄為相兄若薦溫于上溫即奏兄堪大任共排林甫出之為相必矣祿山悅其言數

稱溫才于上

會祿山領河東因奏溫為副使知留後以大

理司直張通儒為判官委以軍事

林甫與祿山語每揣知其情先言之

祿山驚服每見雖盛冬常汗露衣林甫引與坐于中書廳撫以溫言自解披袍以覆之祿山忻衍言無不盡謂林甫為十郎既歸范陽留其將劉駱各在長安每還必問十郎何言得美言則喜或但云語安大夫須好檢校即反手據祿山既無領三鎮日益驕恣自牀曰噫嘻我死矣

以翼時不拜太子見上春秋高頗內懼又見武備墮

弛有輕中國之心孔目官嚴莊掌書記高尚

莊奴人因

為之解圖識勸之作亂祿山養同羅奚契丹降者八

千餘人謂之曳落河曳落河者猶言壯士也皆驍勇

善戰一可當百以尚莊通儒及將軍孫孝哲

契丹部人為

腹心史思明安守忠李歸仁蔡希德牛廷珣向潤容

李庭望崔乾祐尹子奇何千年武令珣能

音耐元皓能氏

系出長廣田承嗣田乾真阿史那承慶為爪牙

尚本名不危頗有詞

學薄遊河朔貧困不得志常歎曰高不危當舉大事而死豈能蠶草根求活耶祿山因置幕府出入臥內

尚典賤奏莊治簿書承嗣為前鋒兵馬使治軍嚴整
嘗大雪祿山按行諸營至承嗣營寂若無人入問士
卒無一人不在者
祿山是以重之

夏四月劍南節度使鮮于仲通討南詔蠻敗績制復募
兵以擊之

仲通將兵八萬討南詔南詔王閣羅鳳遣使謝罪請
還所俘掠城雲南而去仲通不可囚其使進軍至西
洱河與戰大敗士卒死者六萬人仲通僅以身免楊
國忠掩其敗狀仍叙其戰功閣羅鳳遂北臣于吐蕃

吐蕃號曰東帝

閻羅鳳刻碑于國門言已不得已而叛唐且曰我世世事唐受其封賞後

世容復歸唐當指碑以示唐使者知吾之叛非本心也

制募兵以擊之人聞雲

南多瘴氣莫肯應募楊國忠遣御史分道捕人枷送

軍所

舊制百姓有勲者免征役國忠奏先取高勲于是行者愁怨父母妻子送之所在哭聲震野

高仙芝擊大食

注見前

敗績

初仙芝偽與石國

月氏餘種在漢大宛西鄙

約和因兵襲之俘其

王以歸

掠得瑟瑟十餘斛黃金五六橐駝皆入其家瑟瑟廣雅曰碧珠也

石國王子

走告諸部諸部皆起潛引大食欲共攻四鎮仙芝將

兵三萬擊之深入七百餘里與戰大敗士卒死亡畧

盡

將軍李嗣業勸仙芝宵遁別將段秀實詎之曰避敵先奔無勇也全已棄衆不仁也幸而得還獨無愧乎嗣業執其手謝之留拒追兵收散卒得俱免還至安西言于仙芝以秀實燕都知兵馬使為已判官

李嗣業京兆高陵人

段秀實字成公沂陽人

秋八月武庫火

燒兵器三十七萬

安祿山討契丹大敗

祿山將三道兵六萬以討契丹以奚騎二千為鄉導

過平盧千餘里遇雨弓弩筋膠皆弛奚復叛與契丹合夾擊唐兵殺傷殆盡祿山獨與麾下二十騎走入

師州

唐羈縻州以室韋部置後僑治于良鄉縣之故東間城

歸罪于左賢王哥

解兵馬使魚承仙斬之

平盧兵馬使史思明懼逃入山谷祿山還至平盧麾下皆

亡史思明出見祿山祿山喜執其手曰吾得汝復何憂思明退謂人曰卿使早出已與哥解并斬矣

冬十一月以楊國忠領劍南節度使

壬辰十一載春二月以粟帛庫錢易惡錢

先是江淮多惡錢貴戚大商往往以良錢一易惡錢

五載入長安市井不勝其弊故李林甫奏請禁之官
為易取期一月不輸官者罪之于是商賈不以為便
遮楊國忠馬自言國忠為言于上乃更命非鉛錫所
鑄及穿穴者皆聽用之

三月安祿山擊契丹

祿山擊契丹欲以雪去秋之恥會突厥降將阿布思

叛

初突厥阿布思來降上厚禮之賜姓名李獻忠累
遣朔方節度副使獻忠有權畧不為安祿山下祿

山恨之至是奏請獻忠俱擊契丹獻忠
恐為祿山所害乃帥所部叛歸漠北

祿山遂頓兵

不進已而阿布思為回紇所破祿山誘其部落降之

由是祿山兵精天下莫及

阿布思適入葛邏祿其葉護執之送京師

改吏兵刑為文武憲部

夏戶部侍郎京兆尹王鉞伏誅

鉞權寵日甚其弟戶部郎中鐸凶險不法

召術士任海川問我

有王者之相否海川懼亡匿鉞恐事泄捕得托以他事杖殺之王府司馬韋會詰之私庭鉞又使長安尉

賈季鄰收繫殺之

鐸所善邢綽與龍武萬騎謀作亂有告之

者上以告狀面授鉞使捕之鉞意鐸在綽所先遣人

召之日晏乃命捕緝帥其黨格鬪會高力士引禁
軍至擊斬緝捕其黨皆擒之國忠白上鉞必預謀上
以鉞任遇深不應同逆

李林甫亦為之解辯

乃命特原鐸不問

使國忠諷鉞表請罪之鉞不忍上怒會陳希烈極言
鉞大逆當誅敕希烈與國忠鞠之仍以國忠兼京兆

尹

任海川韋會等事皆發

獄具鉞賜自盡鐸杖死于朝堂有司

籍其第舍數不能徧

五月以楊國忠為御史大夫京畿採訪使

初李林甫以國忠微才且貴妃之族故善遇之國忠
以林甫薦王鉞為大夫不悅遂深探邢綽獄令引林
甫交私事狀陳希烈哥舒翰從而證之上由是疎林
甫擢國忠為大夫凡鉞所領使務皆歸之國忠貴震
天下始與林甫為讐敵矣是秋上復幸左藏國忠奏
有鳳凰見左藏屋出納判
官親仲厚見之遂以
仲厚為殿中侍御史

冬十一月右相李林甫死

先是林甫奏請楊國忠赴鎮劍南

國忠既領劍南節
度南詔數寇邊蜀

人請國忠赴鎮林甫因奏遣之國忠將行泣言必為林甫所言上曰卿暫到蜀區處軍事朕屈指待卿還當入相林甫時已有疾聞之憂慙不知所為至是林甫疾劇上遣中使召

國忠還至昭應謁林甫拜于牀下林甫流涕謂曰林

甫死矣公必為相以後事累公國忠謝不敢當汗流

覆面林甫遂死

上晚年自恃承平以為天下無復可憂遂深居禁中專以聲色自娛惡委

政事于林甫林甫媚事左右迎合上意以固其寵杜絕言路掩蔽聰明以成其姦妬賢嫉能排抑勝己以保其位屢起大獄誅逐貴臣以張其勢自皇太子以下畏之側足凡在相位十九年養成天下之亂而上不之寤也

以楊國忠為右相兼文部尚書

國忠為人強辨而輕躁無威儀既為相裁決機務果敢不疑攘袂扼腕公卿以下頤指氣使莫不震懼凡

領四十餘使

或勸陝郡進士張彖謁國忠彖曰君輩倚楊右相如泰山吾以為冰山耳若皎

日既出君輩得無失所恃乎遂隱居嵩山

癸巳十二載春正月楊國忠注選人于都堂

國忠欲收人望選人無問賢不肖選深者留之依資據闕注官滯淹者翕然稱之凡所施置皆曲徇時人

所欲故頗得衆譽故事兵吏部尚書知政事者選事
悉委侍郎以下三注三唱仍過門下省審自春及夏
乃畢至是國忠欲自示精敏乃遣令史先于私第密
定名闕召左相陳希烈及給事中諸司長官皆集尚
書都堂唱注一日而畢曰今左相給事中俱在座已
過門下矣其間資格差謬甚衆無敢言者于是門下
不復過官侍郎但掌試判而已
時中書舍人宋昱知
選事進士劉迺遠昱
書曰兩樞阜陶同居
薛朝猶曰載采有九
德考績以
九載近代主司察言于一幅之判觀行于一楫之間

何古今遲速不侔之甚哉借使周公孔子今處銓廷
考其辭華則不及徐庾觀其利口則不如馮夫何暇
論聖賢之事業乎

劉
通字永夷河南伊闕人

二月追削李林甫官爵剖其棺

楊國忠說安祿山使阿布思部落降者詣闕誣告李
林甫與阿布思謀反上信之下吏按問林甫婿諫議
大夫楊齊宣懼為所累證成之時林甫尚未葬制削
官爵子孫皆流嶺南黔中親近及黨與坐貶者五十
餘人剖棺抉含珠襖金紫更以小棺如庶人禮葬之

秋八月以哥舒翰兼河西節度使

安祿山以李林甫狡猾踰已故畏服之及楊國忠為相視之蔑如也由是有隙國忠屢言祿山有反狀上

不聽隴右節度使哥舒翰素與祿山不協

先是翰與祿山俱入

朝上使高力士宴之城東祿山謂翰曰古人云狐向窟嗥不祥為其頗同何得不相親翰曰古人云狐向窟嗥不祥為其忘本也兄苟見親翰敢不盡心祿山以為譏其胡也起罵曰突厥敢爾翰欲應之力士目翰乃止由是為怨愈

會翰擊吐蕃悉收九曲

唐軍名在今蘭州府河州邊外西北唐書吐蕃

傳九曲地宜畜牧開元中吐蕃賂都督楊矩請其地為金城公主湯沐矩表與之由是吐蕃近與唐接勢

監張天寶十二載哥舒翰收復故地遂列郡縣部落國忠欲厚結翰與共排

祿山因奏以翰兼河西節度賜爵西平郡王

是時中國咸強

自安遠門西盡唐境凡萬二千里間間相望桑麻翳野天下稱富庶者無如隴右翰每遣使入奏嘗騎白

素曉日馳五百里

安

遠門長安城西北門

冬十月帝如華清宮

楊國忠與虢國夫人居第相鄰晝夜往來無復期度

或並轡走馬不施鄣幕道路掩目三夫人從幸華清

會于國忠第車馬僕從充溢數坊錦繡珠玉鮮華奪

目國忠謂客曰吾本寒家一旦緣椒房至此未知稅
駕之所然終不能致令名不若且極樂耳楊氏五家
隊各為一色衣以相別五家合隊聚若雲錦國忠仍
以劔南旌節引于其前國忠子暄舉明經荒陋不及
格禮部侍郎達奚珣畏國忠
遣其子選國忠馬白之然亦未敢落也國忠怒曰我
子何患不富貴乃令鼠輩相賣策馬不顧而去珣懼
遂置暄
上等

甲午十三載春正月安祿山入朝

是時楊國忠言祿山必反且曰陛下試召之必不來

上使召之祿山即至見上泣曰臣本胡人陛下寵擢至此為國忠所疾臣死無日矣上憐之賞賜巨萬由是國忠之言不能入矣太子亦言祿山必反上不聽

祿山求兼領羣牧總監表吉
溫自副因擇良馬納范陽

加安祿山左僕射

上欲加祿山同平章事已令太常張洎草制楊國忠曰祿山雖有軍功目不知書豈可為宰相制書若下恐四夷輕唐上乃以祿山為僕射

唐初詔敕皆中書門下官有文者為

之乾封以後始召文士草諸文辭常于北門候進止
時人謂之北門學士上即位始置翰林院密迺禁庭
延文章之士下至僧道書畫琴棋數術之工皆處之
謂之待詔刑部尚書張均及弟垺皆翰林院供奉

三月安祿山歸范陽

祿山奏所部將士討奚契丹等勲效甚多乞超資加

賞

除將軍者五百餘人
中郎將者二千餘人

祿山欲反故先以此收衆心

也祿山辭歸范陽上解御衣以賜之祿山驚喜恐楊
國忠奏留之疾驅出關乘船沿河而下晝夜兼行日
數百里自是有言祿山反者上皆縛送之由是人無

敢言者

祿山之發長安也上令高力士餞之及還上問祿山慰意乎對曰觀其意怏怏必知欲命

為相而中止也上以告國忠國忠曰此議他人不知必張垧兄弟告之也上怒貶垧均均官

夏六月乙丑朔日食不盡如鉤

劍南留後李宓擊南詔敗沒

宓擊南詔閣羅鳳誘之深入至太和城閉壁不戰宓

糧盡士卒瘡疫饑死什七八乃引還蠻追擊之全軍

皆沒國忠隱其敗更以捷聞益發中國兵討之前後

死者幾二十萬人無敢言者

上嘗謂高力士曰朕今老矣朝事付之宰相邊

皆因力士致將
相則亂源本其
所自釀蓋官豎
本無深識其初
不過因指帽為
之厲刺連事變
已成雖汲汲直
陳亦已無及其
罪固不可以一
言貸也

事付之諸將夫復何憂力士對曰臣聞雲南數喪師
又邊將擁兵太盛陛下將何以致之臣恐一旦禍起
不可復救何謂無憂也
上曰卿勿言朕深思之

秋八月陳希烈罷以韋見素

字會微
湊之子

同平章事

楊國忠忌陳希烈希烈累表辭位上欲以吉溫代之
國忠以溫附安祿山奏言不可以見素和雅易制薦
之

關中大饑

自去歲水旱相繼關中大饑上憂雨傷稼國忠取禾

之善者獻之曰雨雖多不害稼也上以爲然扶風太守房瑄言所部水災國忠使御史推之是歲天下無敢言災者高力士侍側上曰淫雨不已卿可盡言對曰自陛下以權假宰相賞罰無章陰陽失度臣何敢言上然之

冬閏十一月貶韋陟

字殷卿安石子

爲桂嶺

隋縣元省故城在今廣西平樂府賀

縣

尉吉溫爲澧陽

本澧州天寶初改郡後仍爲州今隸湖南

長史

河東太守韋陟文雅有盛名楊國忠恐其入相使人

告陟贓汚事下御史陟賂中丞吉溫使求救于安祿山復為國忠所發貶陟桂嶺尉溫澧陽長史安祿山為溫訟寃且言國忠讒疾上兩無所問

戶部奏郡縣戶口之數

先是開元十四年戶七百六萬九千五百六十五口
四千一百四十一萬九千七百一十二
二千八百一十
四萬三千六百九

時西京東都米斛直錢不滿二百緡匹亦如之海內富安行者萬里

不待寸兵至是戶部奏天下郡三百二十一縣千五百三

十八戶九百六十一萬九千二百五十四口五千二百八十八萬四百八十八唐之盛止此

乙未十四載春二月安祿山請以蕃將代漢將從之

祿山使副將何千年入奏請以蕃將三十二人代漢將韋見素謂楊國忠曰祿山久有異志今又有此請其反明矣明日入見上迎謂曰卿等疑祿山邪見素因極言祿山反已有迹所請不可許上不悅竟從祿

山之請

他日國忠見素言于上曰臣有策可坐消祿山之謀若除祿山平章事召詣闕以賈循呂

知誨楊光翽分領范陽平盧河東節度則勢自分矣上從之已草制而不發更遣中使輔瑒琳以珍果賜祿山潛察其變瑒琳受祿山厚賂還盛言祿山無二心上謂國忠等曰朕推心待之必無異志朕自保之卿等勿憂也事遂寢
賈循華原人輔姓晉大夫智果別族為輔氏

秋七月安祿山表請獻馬遣中使諭止之

祿山表獻馬三千匹每匹執鞭夫二人遣蕃將二十二人部送河南尹達奚珣疑有變奏請諭祿山以進馬宜俟至冬官自給夫無煩本軍于是上稍寤始有

疑祿山之意

會輔瑒琳受賂事泄上托以他事撲殺之

遣中使馮神威齎

手詔諭祿山如珣策祿山踞牀不拜曰馬不獻亦可

十月當詣京師尋遣還亦無表

冬十一月安祿山反遣封常清如東京募兵以禦之

祿山專制三道陰蓄異志殆將十年以上待之厚欲

俟上晏駕然後作亂會楊國忠屢言祿山且反數以

事激之欲其速反以取信于上祿山由是決意遽反

獨與嚴莊高尚阿史那承慶密謀會有奏事官自京

師還祿山詐為敕書示諸將曰有密旨令祿山將兵
入朝討楊國忠衆愕然相顧莫敢異言于是發所部
兵及奚契丹凡十五萬反于范陽大閱舊衆引兵而
南步騎精銳烟塵千里時承平久百姓不識兵革河
北州縣望風瓦解北京以聞上未之信及聞祿山定
反乃召宰相謀之楊國忠揚揚有得色曰今反者獨
祿山耳將士皆不欲也不過旬日必傳首詣行在時
幸華上以為然安西節度使封常清入朝上問以討
清官

賊方畧常清大言請詣東京開府庫募驍勇挑馬箠

渡河計日取逆賊之首獻闕下上悅以為范陽平盧

節度使乘驛詣東京募兵旬日得六萬人乃斷河陽

橋為守禦之備

祿山子慶宗尚宗女在京師及是上自華清宮還誅之

以郭子儀

字子儀華州鄭人

為朔方節度使

子儀先以天德軍

在今吳喇武旗西北

使兼九原太守至是授

朔方節度使率軍東討

以張介然

猗氏人

為河南節度使

領陳留

本汴州天寶初改郡今河南開封府是

等十三郡諸郡當賊衝

者皆置防禦使

介然至陳留繞數日祿山已自靈昌渡河介然授兵乘城衆恟懼不能守

太守郭納以城降介然遂被殺祿山聞其子安慶宗死恟哭曰我何罪而殺我子于是陳留將士降者皆

殺之以快其忿

靈昌本滑州

天寶初改郡今衛輝府滑縣是

十二月以高仙芝為副元帥統諸軍屯陝

以榮王琬

帝之子

為元帥高仙芝副之統諸軍東征出

內府錢帛于京師募兵十一萬號曰天武軍旬日而集皆市井子弟也仙芝以五萬人發京師遣宦者邊

令誠監其軍屯于陝

唐宦者監軍自此始

封常清與賊戰于武牢敗績安祿山遂陷東京留守李

愐

并州文水人

御史中丞盧奕

懷慎之子

死之

祿山以田承嗣安忠志

祿山假子

張孝忠

本夷種名阿勞後歸朝賜名

為前鋒常清所募兵皆白徒屯武牢以拒賊賊以鐵

騎蹂之再戰皆敗祿山陷東京常清再戰城中又敗

乃西走河南尹達奚珣降于祿山留守李愐謂御史

中丞盧奕曰吾曹荷國重任雖知力不敵必死之奕

許諾愷收殘兵數百欲戰皆潰愷坐府中突先遣妻
子懷印間道走長安朝服坐臺中祿山使人執之及
採訪判官蔣清欽緒之子皆殺之突罵祿山數其罪顧賊
黨曰凡為人當知順逆我死不失節夫復何恨

高仙芝退保潼關河南多陷

封常清帥餘衆至陝謂高仙芝曰常清連日血戰賊
鋒不可當且潼關無兵若賊豕突入關則長安危矣
陝不可守不如引兵先據潼關以拒之仙芝乃趨潼

關修完守備祿山使其將崔乾祐屯陝于是河南諸

郡皆降于祿山

是時朝廷徵兵未至關中恟懼會祿山方謀稱帝留東京不進故朝廷得

為之備兵

亦稍集

東平

今泰安府東平州天寶初置郡

太守吳王祗

信安王祗之弟

起兵討賊

祿山以張通晤為睢陽

即宋州注見前

太守東畧地郡縣官

多望風降走惟東平太守嗣吳王祗濟南太守李隨

起兵拒之郡縣之不從賊者皆倚吳王為名單父

漢縣

今曹州府單縣是

尉賈贛帥吏民擊斬通晤有衆二千詔以

祇為靈昌太守河南都知兵馬使

以永王璘為山南節度使穎王璪

二王皆帝子

為劍南節度

使

二王皆不出閤以江陵蜀郡長史源洧

乾曜族孫

崔圓

字有

裕貝州武城人副之

制太子監國

上議親征制太子監國

上謂宰相曰朕在位垂五十載去秋已欲傳位太子值水

旱相仍不欲以餘災遺子孫不意逆臣橫發朕當親征且使之監國事平之日朕將高枕無為矣

楊

國忠大懼退謂三夫人曰太子素惡吾家若一旦得天下吾與姊妹併命在旦暮矣使說貴妃銜土請命于上事遂寢

平原太守顏真卿

字清臣師古五世從孫

起兵討賊

祿山長驅直入河北諸郡望風而靡真卿獨能繕守平原擒賊賊黨逆義將既偪而清池河間之衆咸降有所渠承即常山亦

初真卿知祿山且反因霖雨完城浚濠料丁壯實倉廩祿山以其書生易之及反牒真卿將兵防江津真卿遣平原司兵李平間道奏之上始聞河北郡縣皆從賊嘆曰二十四郡曾無一人義士耶及平至大喜

聞而響應真卿
爾時不可謂非
中流砥柱惜其
後弗克嬰城固
守不免春秋責
備耳

曰朕不識顏真卿作何狀乃能如是真卿使親客密
懷購賊牒詣諸郡由是諸郡多應者召募勇士旬日
至萬餘人涕泣諭以舉兵討賊士皆感憤祿山使其
黨段子光齋李愔盧奕蔣清首徇河北諸郡至平原
真卿執之腰斬以徇取三人首續以蒲身棺斂葬之

祭哭受弔

祿山以劉道元攝景城太守清池尉賈載
鹽山尉穆寧共斬之得其甲仗五十餘船

攜其首謁長史李暉暉收嚴莊宗族悉誅之送道元
首至平原真卿召戴寧及清河尉張澹詣平原計事
饒陽太守盧全誠據城不受代河間司法李奐殺祿
山所署長史王懷忠李隨殺祿山所署博平太守馬

冀各以衆數千或萬人共推真卿為主軍事皆粟馬
景城本滄州天寶初改郡今仍為州屬天津府清池

隋縣明省故城在滄州鹽山隋
縣今屬天津府餘注俱見前

殺高仙芝封常清以哥舒翰為副元帥

邊令誠數以事干仙芝仙芝不從令誠入奏事遂言
常清以賊搖衆而仙芝棄陝地數百里又盜減糧賜

上大怒遣令誠齎敕即軍中斬仙芝及常清

初常清既敗三

遣使表陳賊形勢上皆不之見常清乃自馳詣闕至
渭南敕削其官將令還軍自效常清草遺表曰臣死
之後望陛下不輕此賊無忘臣言時朝議皆以祿山
狂悖不日投首故常清云然令誠至潼關先引常清

宣敕示之常清以表附令誠上之常清既死令誠乃
謂仙芝曰大夫亦有恩命仙芝遽下令誠宣敕仙芝
曰我遇敵而退死則宜矣謂我盜賊糧賜則
誣也時士卒在前大呼稱枉其聲震地遂斬之先是哥
舒翰入朝以疾留京師及是上以翰有威名且素與
祿山不協召見拜兵馬副元帥將兵六萬以討祿山
翰以疾固辭上不許以田良邱為行軍司馬蕃將火
拔歸仁等將部落以從併仙芝舊卒號二十萬軍于
潼關翰疾不能治事悉以軍政委良邱良邱復不敢
用法嚴而不恤士卒皆懈弛
無間志王思禮高麗人

安祿山遣兵寇振武

唐軍名單于都督府治此地在今歸化城南

郭子儀使

兵馬使李光弼僕固懷恩

鐵勒部人

擊破之

子儀乘勝遂收雲中拔馬邑開東陁關

在今代州南胡三省曰時

河東太原開關以拒賊子儀既破賊衆關始開

常山

即恒州注見前

太守顏杲卿

字昕真卿同五世兄

起兵討賊河北諸

郡皆應之

先是祿山至藁城

漢縣今屬正定府

常山太守顏杲卿力不

能拒與長史袁履謙往迎之祿山輒賜杲卿金紫質

其子弟使仍守常山果卿歸途中指其衣謂履謙曰
何為著此履謙悟其意乃陰與果卿謀討祿山至是
將起兵會族弟真卿自平原遣甥盧迥潛告果卿欲
連兵斷祿山歸路以緩其西入之謀時祿山將李欽
湊守井陘口果卿誘至斬之悉散井陘之衆有頃賊
將高邈何千年適至又皆擒之

賊將張獻誠方圍饒陽千年因謂果卿曰

此郡應募烏合難以臨敵宜深溝高壘勿與爭鋒俟朔方軍至併力齊進傳檄趙魏斷燕薊要脅彼則成擒矣今且宜聲云李光弼兵出井陘因使人說張獻誠解饒陽圍此亦一奇也果卿悅用其策獻誠果遁

去兵果卿乃命葉城尉崔安石等徇諸郡云大軍朝

夕當至先下者賞後至者誅于是河北諸郡響應凡

十七郡皆歸朝廷兵合二十餘萬其附祿山者惟范

陽

即幽州
注見前

盧龍

唐志無盧龍郡胡三省曰當作北平

密雲

本檀州天寶初改郡今順

天府密雲縣是

漁陽

今薊州天寶初置郡

汲鄴

注俱見前

六郡而已

果卿又密使人

入漁陽招貴猶郾城人馬燧說猶曰祿山負恩悖逆終歸夷滅公若以范陽歸國傾其根抵此不世之功

也猶然之猶豫不時發別將牛潤客知之以告祿山祿山召猶殺之馬燧亡入西山隱者徐遇遷之得免

祿山欲攻潼關至新安聞河

北有變而還馬燧字洵美

丙十五載

肅宗皇帝至德元載

春正月安祿山僭號

劉友益曰書僭號自祿山

始天子在上也

祿山自稱大燕皇帝改元聖武以達奚珣為侍中張

通儒為中書令高尚嚴莊為中書侍郎

以許遠為睢陽太守

賊將史思明陷常山顏杲卿死之

杲卿起兵纔八日守備未完史思明蔡希德引兵皆至城下杲卿告急于太原尹王承業承業擁兵不救

果卿晝夜拒戰糧盡矢竭城遂陷賊執果卿及袁履
謙等送洛陽祿山數之曰我奏汝為判官不數年起
至太守何負于汝而反果卿罵曰汝本營州牧羊羯
奴天子擢汝為三道節度使恩幸無比何負于汝而
反我世為唐臣祿位皆唐有雖為汝所奏豈從汝反
邪我為國討賊恨不斬汝何謂反也臊羯狗何不速
殺我祿山大怒并履謙古瓦反之二人比死罵不
絕口顏氏死者三十餘人

思明既克常山引兵擊諸
郡之不從者于是諸郡復

為賊
守

以李光弼為河東節度使

上命郭子儀罷圍雲中還朔方益發兵進取東京選
良將分兵先出井陘以定河北子儀薦光弼以為河
東節度使分朔方兵萬人與之

二月李光弼入常山執賊將安思義遂與史思明戰大
敗之

李光弼將蕃漢步騎萬餘人太原弩手三千人出井

陞至常山常山團練兵執安思義出降

光弼得思義不殺引問計

答曰大夫遠來疲弊遇敵恐未易當不如按軍入守料勝而出寇兵雖銳不能持重氣沮心離乃可圖也

光弼曰善釋其縛即移軍入城

思明方圍饒陽

太守盧全誠拒守不下

聞常山

不守立即解圍合二萬餘騎直抵城下光弼以五百

弩于城上齊發射之賊稍却乃出弩手千人分為四

隊使其矢發發相繼賊不能當乃退有村民告賊步

兵五千自饒陽來至九門

漢縣宋省故城在今藁城縣

南逢壁

九門

之地光弼遣步騎各二千匿旗鼓並水潛行遇賊方

飯縱兵掩擊殺之無遺思明聞之失勢退入九門時

常

山九縣七附官軍惟九門葉城為賊所據光弼與思明相守四十餘日思明絕常山糧道光弼遣使告急于郭子儀子儀引兵自井陘出至常山與光弼軍合蕃漢步騎共十餘萬與思明戰于九門城南思明大敗中郎將渾瑊射其將李立節殺之思明收餘衆奔趙郡復如博陵河朔之民苦賊殘暴所在屯結各為營以拒賊及郭李軍至爭出自効遂攻趙郡降之渾瑊鐵勒渾部渠長釋之子

真源

唐縣今歸德府鹿邑縣是

令張巡起兵雍邱

注見前

討賊

先是譙郡

注見前

太守楊萬石以郡降安祿山逼真源

令張巡為長史使西迎賊巡至真源帥吏民哭于元

元皇帝廟起兵討賊樂從者數千人巡選精兵千人
西至雍邱與賈賁合初雍邱令令狐潮以縣降賊引
精兵攻雍邱賁出戰敗死巡力戰却賊因兼領賁衆

潮復與賊將李懷仙

柳城人

等四萬餘衆奄至城下衆

懼巡曰賊兵精銳有輕我心今出于不意擊之彼必
驚潰賊勢少折然後城可守也乃使千人乘城自帥
千人分數隊開門突出巡身先士卒直衝賊陣人馬
辟易賊遂退明日復進蟻附攻城巡束蒿灌脂焚而

萼遊說真卿雖
未脫戰國策士
結習然其執手
善畫於時勢瞭
若指掌與郭李
拒關搆穴若合
符契少年雄賅
如此使得竟其

投之賊不得上積六十餘日大小三百餘戰帶甲而
食裹瘡復戰賊遂敗退巡乘勢追之獲賊兵二千人
而還軍聲大振

加顏真卿河北採訪使真卿擊魏郡拔之

先是清河客李萼

一作萼字伯高趙人

年二十餘為郡人乞師

于真卿

萼曰公首唱大義河北諸郡恃公以為長城今清河公之西鄰國家平日聚江淮河內錢

帛于彼以贍北軍今有布三百餘萬匹帛八十餘萬匹錢三百餘萬緡糧三十餘萬斛昔討默啜甲兵盡貯其庫今有五十餘萬事戶七萬口十餘萬竊計財足以三平原之富兵足以倍平原之彊公誠資以士

用當不失為將
才而其後畧無
表見豈其惜置
本不達所言抑
天齊之辭辭志
以歟

卒撫而有之以二郡為腹心則餘郡如四支無不隨
所使矣真卿曰吾兵新集未練何暇及鄰然子之請
兵欲何為乎萼曰清河非力不足而借公之師也亦
以觀大賢之名義耳今仰瞻高意未有決辭定色僕
何敢遽言
所為乎 真卿欲與之兵眾以萼年少輕慮必無所

成真卿不得已辭之萼就館復為書說真卿

書曰清
河去逆

效順奉眾帛器械以資軍公乃不納而疑之僕回轅
之後清河不能孤立必有所繫託將為公西面之疆
敵公能
無悔乎 真卿得書大驚遽詣其館以兵六千借之送

至境執手別因問之曰兵已行矣可以言子之所為

乎萼曰聞朝廷遣程千里

京兆萬
年人

將精兵十萬出崞

音口舊唐書崞口在相州西山胡三省曰蓋即壺關之險也賊據險拒之不得

前今當引兵先擊魏郡執其守將分兵開崞口以出

千里之師因討汲鄴以北至于幽陵即幽州然後帥諸

同盟合兵十萬南臨孟津分兵循河據守要害制其

北走之路討官軍東討者不下二十萬河南義兵西

向者亦不減十萬公但當表朝廷堅壁勿戰不過月

餘賊必有內潰相圖之變矣真卿曰善令參軍李擇

交等將其兵會清河博平兵五千人軍於堂邑隋縣今屬

東昌府 祿山所署魏郡太守袁知泰逆戰大敗遂克魏
郡軍聲大振

以賀蘭進明為河北招討使

時北海太守賀蘭進明亦起兵真卿以書召之并力
進明將步騎五千渡河真卿陳兵逆之相揖哭于馬
上哀動行伍進明屯平原城南真卿每事咨之由是
軍權稍移于進明真卿不以為嫌復以堂邑之功讓
之進明奏其狀取捨任意敕加進明河北招討使擇

交等微進資級清河博平有功者皆不錄

進明攻信都郡久之

不克參軍第五琦勸進明厚以金帛募勇士乃克之第五琦字禹珪長安人

夏四月以來瑱

邠州永壽人

為潁川太守

楊國忠問將于左拾遺張鎬

字從周博州人

及蕭昕

字中明梁鄆陽

王恢七世孫

鎬昕薦瑱以為潁川太守前後破賊甚衆人

謂之來嚼鐵

以劉正臣

武陟人

為平盧節度使

平盧軍將劉客奴董秦

荊人後賜姓名曰李忠臣

王元志同謀殺

呂知誨

祿山首發以知誨守平盧

遣使踰海與顏真卿相聞請取

范陽以自效真卿遣判官以衣糧助之真卿時惟一

子頗才十餘歲使詣客奴為質朝廷聞之以客奴鎮

平盧賜名正臣秦及元志拜官有差

已而正臣將襲范陽未至為史

思明所敗比還王元志耽殺之

以號王巨

高祖子鳳之曾孫

為河南節度使

賊圍南陽太守卿張垪薦號王巨有勇畧上徵吳王

祗還以巨代之引兵出藍田賊解圍走

五月郭子儀李光弼與史思明戰于嘉山

亦曰嘉禾山
在今定州曲

陽縣

大破之復河北十餘郡

子儀光弼既拔趙郡光弼進圍博陵不克與子儀俱

還常山史思明收散卒數萬踵其後子儀選驍騎更

挑戰三日賊疲乃退子儀乘之又敗之于沙河

在今定州

南卽古派水源出山西逕正定定州
至祁州與唐河合唐河古滹水也

祿山復使蔡希

德將步騎二萬人北就思明又使牛廷玠發范陽等

郡兵助之合五萬餘人子儀至恒陽

今曲陽縣隋曰
恒陽唐元和中

更今名

深溝高壘以待之賊來則守去則追之晝則耀

兵夜斫其營賊不得休息數日光弼子儀議曰賊倦矣可以出戰戰于嘉山大破之斬首四萬級捕獲千餘人思明奔博陵光弼就圍之軍聲大振于是河北

十餘郡皆殺賊守將而降漁陽路再絕

前者顏杲卿起兵漁陽路

絕杲卿敗而復通今郭李破史思明故再絕

賊往來者多為官軍所獲賊

衆家在漁陽者無不搖心

祿山大懼召高尚嚴莊詒之曰汝教我反以為萬全

今守潼關數月不能進北路已絕諸軍四合萬全何在尚莊懼數日不敢見田乾真說祿山曰自古帝王

新對恩禮教言
尚知大義何以
渾關既濟遂觀
顏倫是不復存
差惡之心則臨
敵之無庸慟哭
亦僅為身謀而
已

經營大業皆有勝敗豈能一舉而成尚莊皆佐命元
勲一旦絕之諸將誰不內懼祿山即置酒酣宴待之
如初遂議棄洛陽
走歸范陽計未決

六月哥舒翰與賊戰于靈寶大敗賊遂入關

是時天下以楊國忠召亂莫不切齒王思禮說哥舒
翰使抗表請誅國忠翰曰如此乃翰反非祿山也或

說國忠朝廷重兵盡在翰手翰若援旗西指于公豈

不危哉國忠大懼

募萬人屯灞上令所親杜乾運將
之名為禦寇實備翰也翰聞之亦

恐為國忠所圖乃表請灞上軍
隸潼關召乾運斬之國忠益懼
會有告賊將崔乾祐

在陝兵不滿四千皆羸弱無備上遣使趣翰進兵復
陝洛翰奏曰祿山久習用兵豈肯無備是必羸師以
誘我若往必墮其計中且賊遠來利在速戰官軍據
險利在堅守況賊勢日蹙將有內變因而乘之可不
戰擒也要在成功何必務速今諸道徵兵尚多未集
請且待之郭子儀李光弼亦請引兵北取范陽覆其
巢穴賊必內潰潼關大軍惟應固守以獎之不可輕
出國忠疑翰謀已言于上以翰逗留恐失機會上以

為然遣中使趣之項背相望翰不得已撫膺慟哭引

兵出關過崔乾祐之軍于靈寶西原

乾祐先據險南薄山北阻河隘

道七十里翰使王思禮等將精兵五萬居前龐忠等將餘兵十萬繼之翰以兵三萬登河北阜望之鳴鼓

以助其勢乾祐所出兵不過萬人什什伍伍散如列星或

疏或密或前或却官軍望而笑之兵既交賊偃旗如

欲遁者官軍懈不為備

賊乘高下木石擊殺士卒甚衆道隘士卒如束槍槊不得

用翰以璚車駕馬為前驅欲以衝賊日過中東風暴急乾祐以草車數十乘塞璚車之前縱火焚之烟焰

所被官軍不能開目妄自相殺乾祐遣精騎自後擊之官軍大敗後軍

自潰河北軍望之亦潰

翰獨與麾下百餘騎走入關乾祐遂進攻潼關克之蕃將火拔歸仁等執翰降賊送洛陽祿山謂翰曰汝常輕我今定何如翰伏地對曰臣肉眼不識聖人祿山以翰為司空謂歸仁不忠斬之

帝出奔蜀

哥舒翰麾下來告急上不時召見及暮平安火

唐制烽候

相去三十里每日初夜放烟一炬謂之平安火

不至上始懼召宰相謀之楊

國忠首唱幸蜀之策上然之乃御樓下制云欲親征

聞者皆莫之信既夕命龍武大將軍陳元禮整比六軍厚賜錢帛選閑廐馬九百餘匹黎明上獨與貴妃姊妹皇子妃主皇孫及親近宦官宮人出延秋門妃

主皇孫之在外者皆委之而去

上過左藏國忠請焚之上曰賊來無所得

必更斂于百姓不如與之無重困赤子是日百官猶入朝門既啟則宮人亂出中外大擾不知上所之四出逃匿上既過使橋楊國忠即使人焚橋上曰人各避賊求生奈何絕其路留高力士撲滅之至咸陽日向中上猶未食民獻糲飯雜以麥豆皇孫輩爭以手掬食之須臾而盡有老父郭從謹進言曰祿山包藏禍心固非一日有告其謀者陛下往往誅之使得逞其姦逆致陛下播越是以先王務延訪忠良以廣聰

明蓋為此也臣猶記宋璟為相數進直言天下賴以安自頃以來在廷之臣以言為諱闕門之外陛下皆不得知草野之臣必知有今日久矣但九重嚴遠區區之心無路上達事不至此臣何由得覩陛下之面而訴之乎上曰朕之不明悔無所及慰諭而達之

次于馬嵬

在今西安府興平縣西

楊國忠為禁軍所殺貴妃楊氏

賜死

綱目書楊國忠及貴妃伏誅說者謂二人之罪宜誅書法所以正名究罪殊不知是時眾叛親離威柄不出元宗且元宗亦無誅之之意安得謂之伏法惟據

上至馬嵬驛將士饑疲皆憤怒陳元禮以禍由楊國忠欲誅之因李輔國東宮宦者以告太子未決會吐蕃使者二十餘人遮國忠馬訴以無食軍士呼曰國忠與

事直當則罪名
既著而无禮候
衆劫君之惡亦
自彰杜南一生
忠憤獨於北征
詩褒美元禮太
過不可為訓且
彼時元祿顛沛
流離楊氏又安
能更為人惠哉
若謂宜誅則當
於祿山未叛楊
氏方盛之時擒
身國爭方可謂
之忠臣元禮所
為正韓愈所謂

逆賊謀反國忠走追殺之屠割支體以槍揭其首于
驛門外并殺韓國秦國夫人上聞諠譁出門慰勞令
收隊軍士不應上使高力士問之元禮對曰國忠謀
反貴妃不宜供奉願陛下割恩正法上曰朕當自處
之入門倚杖傾首而立久之京兆司祿韋諤見素前
言曰今衆怒難犯安危在晷刻願陛下速決因叩頭
流血上曰貴妃常居深宮安知國忠反謀高力士曰
貴妃誠無罪然將士已殺國忠而貴妃在陛下左右

又下石馬者在
朋友尚不可而
況君臣乎若元
禮者直亂臣賊
子其去祿山蓋
一問耳

豈敢自安願陛下深思之將士安則陛下安矣上乃
命高力士引貴妃于佛堂縊殺之輿尸置驛庭召元
禮等入觀之元禮乃免胄釋甲頓首謝罪軍士皆呼

萬歲于是始整部伍為行計

國忠妻子及親國夫人
走陳倉縣令薛景仙誅

之陳倉漢縣唐至德
中改寶雞今屬鳳翔府

發馬嵬留太子東討賊

上將發馬嵬朝臣惟韋見素一人乃以韋諤為御史
中丞充置頓使父老遮道請留上命太子宣慰之父

老曰至尊既不肯留某等願帥子弟從殿下東破賊
取長安若殿下與至尊皆入蜀中原百姓誰為之主
須臾聚至數千人太子不可涕泣跋馬欲西建寧王
侯太子與李輔國執鞭諫曰逆賊犯闕四海分崩不
因人情何以興復殿下不如收西北邊之兵召郭李
于河北與之併力東討逆賊克復二京削平四海使
社稷危而復安宗廟毀而更存掃除宮禁以迎至尊
豈非孝之大者何必區區溫清為兒女之戀乎廣平

王儼

亦太子子
即代宗

亦勸太子留父老共擁太子馬不得

行太子乃使儼馳白上上曰天也命分後軍二千人
及飛龍廐馬從太子諭之曰太子仁孝可奉宗廟汝
曹善輔佐之又使諭太子曰汝勉之勿以吾為念西
北諸部吾撫之素厚汝必得其用且宣旨欲傳位太
子太子不受

帝至扶風

上至扶風士卒流言不遜陳元禮不能制會成都貢

春綵十餘萬匹至上命陳之于庭召將士諭之曰朕
衰耄託任夫人致逆賊亂常須遠避其鋒卿等倉猝
從朕不得別父母妻子跋涉至此勞苦至矣朕甚愧
之蜀路阻長郡縣褊小人馬衆多或不能供今聽卿
等各還家朕獨與子孫中官前行入蜀亦足自達今
日與卿等訣別可共分此綵以備資糧若歸見父母
及長安父老為朕致意各好自愛也因泣下沾襟衆
皆哭曰臣等死生從陛下不敢有貳上良久曰去留

聽卿自是流言始息

太子至平涼

太子既留未知所適建寧王倓曰殿下昔嘗為朔方

節度大使將吏歲時致啟俟畧識其姓名今河西隴

右之衆皆敗降賊父兄弟多在賊中或生異圖朔

方道近士馬全盛裴冕

字章甫河東人

衣冠名族必無二心

速往就之此上策也衆皆曰善通夜馳三百餘里至

彭原

本寧州天寶初改郡今仍為州屬慶陽府

太守李遵出迎獻衣及糗

糧遂至平涼閱監牧馬得數萬匹又募士得五百餘

人軍勢稍振

帝至河池

本鳳州天寶初改郡
今漢中府鳳縣是

以崔圓同平章事

劍南節度使崔圓奉表迎車駕具陳蜀土豐稔甲兵

全盛上大悅即以為相

陳倉令薛景仙殺賊將克扶風而守之

是月改扶風
為鳳翔府

已而賊兵來寇景仙復擊却之

時祿山遣其將以勅
書贈綏誘河隴將士

大震關使郭英乂斬之
大震關即隴關在
今鳳翔府隴州西郭英乂字元武知運之子

賊將孫孝哲陷長安

祿山不意上遽西幸止崔乾祐兵留潼關凡十日遣
孫孝哲將兵入長安殺妃主皇孫數十人剗其心以
祭安慶宗搜捕百官宦者宮女每數百人輒以兵送
洛陽王侯將相扈從車駕家留長安者誅及嬰孩陳
希烈以晚節失恩怨上與張均張瓘等皆降于賊祿
山以希烈均為相自餘朝士皆授以官于是賊勢大熾西脅汧隴
南侵江漢北割河東之半既陷長安賊將日夜縱酒
專以聲色寶賂為事無復西出之意故上得安行入

蜀太子北行亦
無追迫之患

帝至普安

今四川保寧府劍州
天寶初改為普安郡

以房琯同平章事

上之發長安也羣臣多不知至咸陽謂高力士曰朝
臣誰當來誰不來對曰張垹張均受恩最深且連戚
里是必先來時論皆謂房琯宜為相陛下不用又祿
山嘗薦之恐或不來上曰事未可知及琯至上問均
兄弟對曰臣帥與偕來逗遛不進觀其意似有所蓄
而不能言也上顧力士曰朕固知之矣即日以琯為

相

初陳希烈罷相上許以均代之
均拜謝既而不用故均懷怏怏

秋七月太子即位于靈武

是為肅宗

尊帝為上皇天帝以裴

冕同平章事

先是太子至平涼朔方留後杜鴻漸

字之興
退族子

水陸運

使魏少遊

邢州鉅鹿人

判官崔漪盧簡李涵

宗室永安王
孝基曾孫

且靈武距劍南
為時不過兩月
不聞馳一介奏
告故范祖禹直
斥為乘危叛父
持議嚴且正矣

相與謀曰平涼散地非屯兵之所靈武兵食完富若

迎太子至此北收諸城兵西發河隴勦騎南向以定

中原此萬世一時也乃使涵奉箋于太子且籍北方

良梯新產為戰
士縫衣猶婦人
國寵取憐常態
至欲居前樂就
竟自託於馮嬖

士馬甲兵穀帛軍資之數以獻之會河西司馬裴冕
至平涼亦勸太子之朔方鴻漸自迎太子于平涼北
境使少遊居後葺次舍庀資儲少遊盛治宮室幃帳
皆倣禁中太子至悉命撤之至是冕鴻漸等上太子
牋請遵馬嵬之命不許牋五上太子乃許之是日即
位于靈武尊帝為上皇天帝大赦改元以杜鴻漸崔
漪並知中書舍人事裴冕為中書侍郎同平章事時文
武官不滿三十人披草萊立朝廷制度草創武人驕
慢大將管崇嗣在朝堂背闕而坐言笑自若監察御

奸之當懲肅宗
為巧言所惑不
明甚矣先為小
忠小信以成其
大不忠不信婦
寺類然他日竊
柄宮闈幾蹈武
韋前轍皆此一
念階之禍也

是時元宗未傳
位太子豈得以
太子即位靈武
尊為上皇而即
書為上皇哉故
正書法至八月

史李勉奏彈之繫于有司上特原之嘆曰吾有李勉
朝廷始尊張良姊性巧慧能得上意從上來朔方良
姊每寢常居上前上曰繫勉非婦人所能良姊曰倉
猝之際妾以身當之殿下可從後逸去至靈武產子
三日起縫戰士衣上止之對曰此非妾自養之時上
以是益憐之李勉字元卿高祖子鄭王元懿曾孫
張良姊鄧州人家新豐元
宗母竇太后女弟之孫

制以太子充天下兵馬元帥諸王分總天下節制

制以太子為兵馬元帥永王璘盛王琦豐王珙分領
諸道節度都使琦珙皆不出閤惟璘赴江陵先是四
方聞潼關失守莫知上所之及是制下始知乘輿所

上皇使人齎冊
寶如靈武後始
如綱日書上皇
然太子既已自
行即位故書上
而不書帝以別
之而於元宗則
仍書帝八月後
元宗書上皇肅
宗方書帝

在

李泌

字長源魏柱國弼六世孫

至靈武

初京兆李泌幼以才敏著聞元宗欲官之不可使與

太子為布衣交楊國忠惡之奏徙蘄春

隋縣明省故城在今黃州

府新州

後隱居潁陽

後魏縣金省故城在今河南府登封縣

上自馬嵬遣

使召之謁見于靈武上大喜出則聯轡寢則對榻如

為太子時事無大小皆咨之言無不從上欲以泌為

右相泌固辭曰陛下待以賓友則貴于宰相矣何必

屈其志上乃止

河西安西皆遣兵詣行在

上命河西節度副使李嗣業將兵五千赴行在嗣業
與節度使梁宰謀且緩師以觀變綏德府折衝段秀
實讓嗣業曰豈有君父告急而臣子晏然不赴者乎
特進常自謂大丈夫今日視之乃兒女子耳嗣業大
慚即自宰發兵以秀實自副詣行在上又徵兵于安
西行軍司馬李栖筠

字貞一
趙州人

發兵七千勵以忠義而

遣之

帝至成都

從官六軍至者千三百人而已

令狐潮圍雍邱張巡擊走之

令狐潮攻雍邱

潮與張巡有舊于城下相勞苦如平生潮因說巡曰天下事去矣足下堅

守危城欲誰為乎巡曰足下平生以忠義自許今日之舉忠義何在潮慚而退

圍守四十餘

日朝廷聲聞不通潮聞帝已幸蜀復以書招巡大將

六人白巡以兵勢不敵且上存亡不可知不如降賊

巡陽許諾明日堂上設天子畫像帥將士朝之人人

皆泣引六將于前責以大義斬之士心益勸

城中矢盡巡縛

藁為人千餘被以黑衣夜縋城下潮兵爭射之得失

數十萬其後復夜縋人賊笑不設備乃以死士五百

斫潮營潮軍大亂焚潮益兵圍之巡使郎將雷萬春

史不詳所系

于城上與潮相聞語未絕賊弩射之面中六

矢而不動潮疑其木人使諜問之乃大驚遙謂巡曰

向見雷將軍方知足下軍令矣然其如天道何巡謂

之曰君未識人倫焉知天道未幾出戰擒將十四人

斬首百餘級賊乃夜遁

以顏真卿為工部尚書

初真卿聞李光弼下井陘即斂軍還平原已而光弼

郭子儀引兵西入

子儀光弼聞潼關不守引兵入井陘留太守王備守常山未幾備欲

降賊諸將殺之常山無主遂與趙郡俱陷

真卿始復區處河北軍事以蠟

丸達表于靈武以真卿為工部尚書兼御史大夫領

使如故并致赦書亦以蠟丸達之真卿頒下諸郡又

遣人頒于河南江淮由是諸道始知上即位于靈武

徇國之心益堅矣

八月以郭子儀為靈武長史李光弼為北都留守並同

平章事

子儀等將兵五萬自河北至靈武靈武軍威始盛人

有興復之望矣

其後上謂李泌曰今子儀光弼已為宰相若克兩京平四海則無有以賞

之奈何對曰古者有功則錫以茅土傳之子孫太宗欲復古制人臣議論不同而止由是賞功以官夫賞功以官有二害非才則廢事權重則難制歸使祿山有百里之國亦惜之以遺子孫而不反矣為今計莫若疏爵土以賞功臣則雖大國不過二三百里可比今之小郡豈難制哉上曰善

以第五琦為江淮租庸使

賀蘭進明遣參軍第五琦入蜀奏事琦言今方用兵

財賦為急財賦所產江淮居多乞假臣一職可使軍

無乏用帝悅以為租庸使

已而琦至彭原見上請以江淮租庸市輕貨汴江漢

而上至洋川令漢中王瑒陸運至扶風上從之加琦山南等五道度支使琦作榷鹽法用以饒洋川本

洋州天寶初改郡今漢中府洋縣是漢中王瑒汝陽王璉之弟

帝稱上皇遣使奉冊寶如靈武

靈武使者至蜀帝喜曰吾兒應天順人吾復何憂制

自今改制敕為詔表疏稱太上皇軍國事皆先取皇帝進止仍奏朕知俟克復上京朕不復預事命韋見

素房瑄崔渙

元暉子上皇至蜀拜同平章事

奉傳國寶及玉冊詣靈

武傳位九月見素等至奉上寶冊上不肯受曰比以

中原未靖權總百官豈敢乘危遽為傳襲羣臣固請

上不許真于別殿朝夕事之如定省之禮

上素聞房瑄名虛心

待之瑄見上言時事辭情慷慨上為改容由是軍國多謀于瑄瑄亦以天下為己任知無不為諸將拱手

避之

安祿山取長安樂工犀象詣洛陽

初上皇每醑宴先設太常雅樂

坐部六堂上坐奏立部八堂下立奏繼

以鼓吹

鏡歌鼓吹曲

雜樂

龜茲疏勒諸部樂

散樂雜戲

兩畿赤縣所進

又

出宮人舞霓裳羽衣

河西節度使楊敬述所獻凡十二曲

又教舞馬百

匹銜杯上壽又引犀象入塲或拜或舞祿山見而悅

之至是命搜捕至洛陽宴其羣臣于凝碧池

在洛陽禁苑中

盛奏衆樂梨園弟子往往歎歔泣下賊皆露刃睨之

樂工雷海青不勝悲憤擲樂器于池西向慟哭祿山

怒支解之

祿山聞鼎日百姓乘亂多盜庫物既得長安命大索三日并其私財盡掠之民間騷

然益思唐室自上馬覓北行民間相傳太子北收兵來取長安日夜望之或時相驚曰太子大軍至矣則皆走市里為空賊望見北方塵起輒驚欲走京畿豪傑往往殺賊官吏遙應官軍誅而復起相繼不絕賊不能制至是西門之外率為敵壘賊兵力所及者南不出武關北不過雲陽西不過武功江淮奏請貢獻之蜀之靈武者皆自襄陽取上津路抵扶風道路無塵皆薛景仙之功也上津隋縣元省故城在今鄖

陽府鄖

西縣

九月以廣平王儼為天下兵馬元帥李泌為侍謀軍國

元帥長史

上欲以建寧王倓為元帥李泌以為不可

倓英果有才畧軍中

皆屬目上欲以為元帥泌曰建寧誠元帥才然廣平兄也若建寧功成豈可使廣平為吳泰伯乎上曰廣平冢嗣也何必以元帥為重泌曰廣平未正位東宮今天下艱難衆心所屬在于元帥若建寧大功既成陛下雖欲不以為儲副同立功者豈可已乎太宗上皇即其事也乃以廣平王倓為

元帥諸將皆屬倓聞之謝泌曰此固倓之心也上與泌出行軍軍士指之竊言曰衣黃者聖人也衣白者山人也上聞之以告泌曰艱難之際不敢相屈以官且衣紫袍以絕羣疑泌不得已受之上笑曰既服此

不敢相臣語雖
出孟子然非堯
舜卑變之正道

豈可無名稱出懷中敕以泌為侍謀軍國元帥府行

軍長史泌固辭上曰朕非敢相臣以濟艱難耳俟賊

平任行高志泌乃受

泌又言于上曰諸將畏憚天威在陛下前數陳軍事或不能盡

所懷萬一小差為害甚大乞先令與臣及廣平熟議從容奏聞上許之時軍旅務繁四方奏報自昏至曉無虛刻上悉使送府泌先開視有急切者及烽火重封隔門通進餘則待明禁門鑰契悉委與泌掌之通進禁門側置輪盤遇夜門閉外有急切文書納諸輪盤旋轉而進

遣使徵兵回紇

上雖用朔方之衆欲借兵于外夷以張軍勢以幽王

守禮之子承家為燉煌王與僕固懷恩使回紇以請
兵又請發拔汗那兵且使轉諭城郭諸國許以厚賞
使從安西兵入援

帝如彭原

李泌勸上且幸彭原俟西北兵將至進幸扶風以應

之于是庸調亦集可以贍軍上從之

彭原廨舍狹隘上與張良娣博

打子聲聞于外李泌言諸軍奏報停廢上乃潛令刻
乾樹雞為子不欲有聲先是冊寶至靈武上皇賜良
娣七寶鞍泌曰今四海分崩當以儉約示人良娣不
宜乘此請撤其珠玉付庫吏以賞戰功上遽從之建

寧王侯泣于席下上驚問之對曰臣比憂禍亂未已
今陛下從諫如流不日當見陛下迎上皇還長安是
以喜極而悲耳既而上又謂泌曰良娣祖母昭成太
后之妹也上皇所念朕欲使正位中宮何如對曰陛
下在靈武以羣臣望尺寸之功故踐天位非私已也
至于家事宜待上皇之命不過晚歲月之間耳良娣
由是惡泌及使侯謂泌曰先生舉侯于上得展臣子
之效無以報德請為先生除害泌曰何也使以良娣
為言泌曰此非人子所言願姑置之
侯不從
昭成元宗母竇太后諡

制諫官言事勿白宰相

初李林甫為相諫官言事皆先白宰相退則又以所
言白之御史言事須大夫同署至是敕盡革其弊開

諫諍之塗又令宰相分直政事筆承旨

謂分日當筆及承上旨

旬日而更懲林甫及楊國忠之專權故也

冬十月辛巳朔日食既

以房瑄為招討節度使與賊戰于陳濤

一作閭

斜

在咸陽縣東其

地斜出故名敗績

瑄喜賓客好談論多引拔知名之士而輕鄙庸俗人

多怨之

北海太守賀蘭進明詣行在上命瑄以為嶺南節度使兼御史大夫瑄以為攝御史大夫

進明入謝上怪問之進明因言與瑄有隙且曰晉用王衍為三公祖尚浮虛致中原板蕩而房瑄專為迂

濶大官以立虛名所引用皆浮華之黨真王衍之比也陛下用為宰相恐非社稷之福且瑄在南朝佐上皇使陛下與諸王分領諸道節制仍置陛下于沙漠空虛之地又多布私黨以副戎權其意以為上皇一子得天下則己不失富貴此豈忠臣所為乎上由是疏之瑄請自將兵復兩京上

許之瑄又請自擇參佐以李楫為司馬劉秩

字祚卿知幾子

為參謀悉以戎務委之曰賊曳落河雖多安能當我

劉秩二人皆書生不閑軍旅遇賊將安守忠于陳濤

斜瑄效古法用車戰以牛車二千乘馬步夾之賊順

風鼓譟牛皆震駭縱火焚之人畜大亂死傷四萬餘

車戰或宜於古而實不宜於今
房瑄用之取敗
燎原隻輪不返
自當繩以喪師
之律必何以復
為營救耶

人上大怒李泌為之營救上乃宥之待瑄如初

史思明攻陷河北諸郡饒陽裨將張興

東鹿人

死之

思明攻河間景城李真李暉皆死又使其將康沒野
波攻平原顏真卿力不敵棄郡走于是清河博平諸
郡皆陷饒陽裨將張興力舉千鈞性復明辨賊攻饒
陽彌年不能下及諸郡皆陷思明併力圍之外救俱
絕城陷擒興謂曰將軍誠壯士能與我共富貴乎興
曰興唐之忠臣固無降理今數刻之人耳願一言而

死思明曰試言之興曰主上待祿山恩如父子羣臣
莫及不知報德乃興兵指闕塗炭生人大丈夫不能
剪除凶逆乃北面為之臣乎且足下所以從賊求富
貴耳譬如燕巢于幕豈能久安何如乘間取賊轉禍
為福長享富貴不亦美乎思明怒鋸殺之罵不絕口
以至于死

永王璘反詔遣淮南節度使高適

字達夫滄州渤海人

等討之

綱目

作上皇遣高適等考唐書通鑑及綱目分注本文遣適
等者乃肅宗非元宗也綱疑有悞劉友益乃謂病肅宗

而書上皇不以肅宗主之此
豈據事直書之義今改正

初上皇命諸子分總節制諫議大夫高適諫以為不
可上皇不聽以璘領四道節度都使鎮江陵時江淮
租賦山積于江陵璘召募勇士數萬人日費巨萬子
瑒有勇力好兵薛瑒等為之謀主以為天下大亂惟
南方完富宜據金陵保有江表如東晉故事上聞之
敕璘歸蜀璘不從上乃以高適為淮南節度使來瑱
為淮南西道節度使與江東節度使韋陟共圍璘璘

遂引舟師沿江東下吳郡太守李希言廣陵太守李
成式遣兵拒之皆為璘所破江淮大震高適與來瑱
韋陟會于安陸

即安州
注見前

結盟誓衆以討之

回紇遣葛邏支將兵入援

十二月安祿山遣兵陷潁川執太守薛愿

汾陰人

長史龐

堅

涇陽人殺之

祿山遣兵攻潁川城中兵少無蓄積太守薛愿長史
龐堅悉力拒守期年救兵不至至是城陷執愿堅送

洛陽殺之

上問李泌今敵疆如此何時事定對曰臣觀賊所獲子女金帛皆輸之范陽此豈有

堆據四海之志邪以臣料之不過二年天下無寇矣上曰何故對曰賊之驍將不過史思明安守忠田乾真張忠志阿思那承慶等數大而巳今若令李光弼自太原出井陘郭子儀自馮翊入河東則思明忠志不敢離范陽常山守忠乾真不敢離長安是以兩軍繫其四將也從祿山者獨承慶耳願敕子儀勿取華陰使兩京之道常通陛下軍于扶風與子儀光弼互出擊之彼救首則擊其尾救尾則擊其首使賊往來數千里疲于奔命我常以逸待勞賊至則避其鋒去則乘其弊不攻城不遏路來春復命建寧為范陽節度大使並塞北出與光弼南北犄角以取范陽覆其巢穴賊退則無所歸留則不獲安然後大軍四合而攻之必成擒矣上悅

張巡移軍寧陵

注見前

與賊將楊朝宗戰大破之

卷五十五

令狐潮李庭望攻雍邱數月不下築城于雍邱之北
以絕其糧援賊常數萬人而張巡衆纔千餘每戰輒
克河南節度使虢王巨屯彭城假巡先鋒使是月魯
東平濟陰陷于賊賊將楊朝宗帥馬步二萬將襲寧
陵斷巡後巡遂拔雍邱東守寧陵以待之始與睢陽
太守許遠相見是日朝宗亦至巡遠與戰晝夜數十
合大破走之斬首萬餘級數以巡為河南節度副使

巡以將士有功遣使詣覲王巨請空名告身及賜物
巨惟與折衝果毅告身三十通不與賜物巡移書責
巨巨竟不應

于闐王勝將兵入援

勝聞亂使弟曜攝國事自將兵五千入援上嘉之以
為殿中監



御批歷代通鑑輯覽卷五十五